



१०६७

सकिमिलापुन्हि

ठाकुरलाल मानन्धर
मन्दिरा प्रधान
लाभरत्न तुलाधर
काशीनाथ तमोट
राजाराम प्रधानाङ्ग
देवेन्द्रमान श्रेष्ठ
टि. एस. इलियट
सुरेन्द्र शाक्य त्रिसुलि
जीवन कंसाकार
गिरिजा प्रसाद जोशी
प्रतिसरा साय्मि

संघ 'यज्यू' शाक्य
आनन्द जोशी
दुर्गालाल
प्रवीण शुक्ल
चिनियालाल बज्राचार्य
केशव शाक्य
'निर्मल'
केशर मान ताम्राकार
मंगलदेवी स्थापित
राजोपाध्याय खवप
उद्धव मास्के

छितः छु माःगु यें ?

- ❑ मेसि फर्गुसन ट्रैक्टर ❑ उषा पम्प सेट
 - ❑ रोड रोलर ❑ बुल्डोजर, क्रेन, शोभेल इत्यादि
 - ❑ लुकास कम्पनीयागु ,कार, ट्रक इत्यादी बाहनयात साःगु स्पेयर पार्टस्
 - ❑ अक्सिजन ग्यांस, वेल्डिंग रड व मेमेगु सामग्री
 - ❑ क्राइसलर कम्पनीयागु कार व मेमेगु वाहन अझेहे
- न्यागुं प्रकारयागु मेसीन, औजार व उपभोग्य वस्तुया लागि

जिमित लुमंका दिसँ

भाजुरत्न इन्जिनियरिंग एण्ड सोल्ट (प्रा) लि०

उद्योति भवन, कान्तिपथ, यें,
पो. बा. नं. १३३ तथा
जिमिगु बोरगंज, बिराटनगर,
भैरहवा, जनकपुर व
हेटौडाया कार्यालय ।



नेपाल भाषाया
लयपौ

वर्ष : २०

श्रवणमास : १६४

नेपाल सम्बत १०९७ पृथ्वी

संरक्षक

चित्तधर 'हृदय'

सम्पादक

विष्णु चित्रकार

प्रकाशक

पद्मरत्न तुलाधर

व्यवस्थापक

भूषणप्रसाद श्रेष्ठ

दृष्टिमा १५१-

छाया १५०

किलमनः पौ

पुलांगु भाय् पुलांगु खँ

ठाकुरलाल मानन्धर

श्री विष्णुगुप्त राजासन प्रथमस परचक्र जयरपेस
थापरपा श्री विष्णु तीर्थ नारायणस श्वस ये चंगुं धाये ।

श्वया लिवया चंगुं थापरपा दुर्भिक्ष भुजरङ्गान
असहन जुयाव श्वलसं लीस सुमिक्ष जुव श्व यो चंगुं
धाये । श्वया लिव थापरपा विष्णुनाभ लु द्वयेके कामनान
थोल कापिस लुंवा गाक्व श्व यंचंगुं धाये ।

श्वया लिव थापरपा सन्तान कामनान श्री चंगुं
गरुडनारायणस श्व वं चंगुं धाये ।

श्वते पिव चङ्गु धाये ।

चंगुया दुदु फंकया हेतु श्री पुष्पदेव राजास प्रज्यास
असहन देशस मन्हं दव श्वतेस सोतक चोडा म्हुंक्वस
वयंङ्का । गुणिला थोव दुहिंसि कोन्हु दुदु फंकन खुङ्के
श्वन द्वारस तेये गुन्हुतो एका पलका सखा अभिसेषश्च
पराक्षा मन्हं निवारण । स्वस्ति भूतवृत्तान्त लिखितश्च
श्रृणु । सम्बत १७७ आषाढ कृष्ण प्रति पदा उत्त-
राषाढ नक्षत्र सुधियोग बुधवार श्री संकर देवस्य पुत्र
श्री शिवदेवस्य जात । राजा अस्त ६९ कामरुया भेरव
अवतार ।

(गोपालराज वंशावली पौ

कीथाय् थौं तक नं पेहा नारां सीकः वनेहु
दहे दिन । पैगू दिशाय् पेहा नारां छः स्थापन

तःगु दु । श्व खँ कयाः गोपाल राजवंशावली चोहास्यां
न्हापां पेहा नारां छःया नि स्मरण यानाः इतिहास
नेपाल भासं शुरु यात ।

वारे गां पुला वनाः (गोदावरी वनेगु लैय्) थौं
कल्लय् विसंखु नारां धायिगु थासय् दकले ल्हापां नारां
छः थापना याःगु जुयाच्वन । व दखिनय् लाःगु जुया
निति ये (दक्षिण) चंगु धाःगु जुया च्वन । 'विष्णु
गुप्त नारायण' या विष्णु गुं नारां जुयाः थौं कल्लय्
भासय् विसंखु जुया च्वन । वयां लिपा थापना याःगु
पछिम दिशाय् थौं कल्लय्या भासं इचंगु जुयाच्वन
पुलांगु नां यो चंगु खनी ।

वयां लिपा थापनायाःगु उत्तर दिशाय् थौं कन्हय्
कीसं भुइजःसि नारां छः धया च्वना । विष्णुमती
खुसिया मुहानयात विष्णु नाभ धकाः धाइ विष्णु नाभं
वःगु खुसि जुयाः विष्णुमती धकाः नां च्वन गथे वाग
द्वारं वःगु जुयाः कीसं व खुसियात वाग्मती धकाः धया ।

अले दकल्य् लिपा तिनि पूर्वं दिशाय् चंगु नारां
छः थापना याःगु जुया च्वन । पुष्पदेव राजाया प्रजा
आपाः सिना वनाच्वन जनसंख्या पाः जुया वनाच्वन ।
सन्तान दयेमा जन संख्या वृद्धि जुयेमा धैगु कामना
यानाः चंगु नारायण छः स्थापना याःगु जुयाच्वन । गुह
तक दुरयि ईका पःका साखः तयाः छःयात लुयेगु
अभिषेक याःगु जुयाच्वन । उकिया परिणाम जुजुया
जन संख्या वृद्धि जुयावल । श्व पूर्वं दिशाय् लाःगु
जुया निति (पूर्व) चङ्गु धाःगु जुयाच्वन ।

थुलि पेहा नारां छः येता, योता, येँता, वंता धकाः
दिशाया नारां छःया स्मरण याये धुंकाः इतिहास
याना हल ने. सं. १७७ या असार महिनां बृह
व जुजुं निसें कयाः इतिहास च्वया हल । ६९

वषं तक स्वात, निकै प्रतापीह जुजु जुयाच्वन उकिं
कामरुक्कामाक्षाया भैरवया हे अवतार धकाः प्रशंसा याना
बिल, शूर वीर जुल कि भैरवया अवतार धकाः धाइगु
जुया च्वन । की पुलांगु पल्टनया कण्डाय् भैरवया खापाः
च्वयेगु चलन दु । भैरवयात War - god मानय्
यायेगु कीथाय् न्हापा चलन दु ।

इतिहासकारया भाय् कमसेकम ८०० दं निसे
कयाः ५०० दं न्ह्यः तकयागु पुलांगु ज्वीमाः धैगु
अनुमान [यायेफ्] । खवपया राजकुलं पिकया तःगु इतिहास
लिपा ल्हया ल्हया हया तःगु थें च्वं । विशेष खवपया
राजकुलं निसें खं शुरु याना हया निति नं श्व खँ कीसं
अनुमान याये फत । श्व इतिहासया सफू न्हापां
Royal Asiatic Society ति वःहा विद्वान Prof.
Cecil Bendall लं की थाय् लुङ्कुगुलि थुकियात
अंग्रेजी भासय् Bendall vamsāvali धकाः धया
बिल । लीपा कीथाय् वीर लाङ्ब्रेरी खोलय् जुये
धुंकाः की पण्डिततय्सं गोपालराज वंशावली धकाः
नां छुना बिल । ○

भाजु ठाकुरलाल मानन्धरया निबन्ध संग्रह

“भाजु निबन्ध”

याकनं हे पिदने त्यंगुदु
लं च्वना दिसँ

समस्यापूर्ति

(महाकवि सिद्धिदास महाजुं बिया दीगु छगू जक समस्या पूर्ति 'मालिनीया प्रसाद' यात कया: वःगु कविता वा लेख पिथनेगु भवसा: कथं न्हापां थ्व त्याख्य निपु कविता न्ह्यब्वया च्वना । - स)

मालिनीया प्रसादं

मन्दिरा प्रधान

ब्यापक थासे स्वां नस्वा:गु
प्रकृति स्वयं प्याखं हूव:गु
कल कल खुसिचा हा हां न्हा:गु
मुसुं न्हिला: च्वापुगुं स्वैच्वंगु । १ ।

सूद्यो छंगु निभा:या तेजं
धरती फुक्कं क ऊ: धायकल
अथेहे मालिनीया प्रसादं
जीवन क्यवचा किलिमिलि धाल । २ ।

मधुकर मदुसा कस्ति दइमखु
दनेगु मसोसा छे नं दइमखु
मया:सा छु नं ज्या सिधै मखु
मप्युसा व्हैमखु स्वां नस्वा:गु । ३ ।

कीगु थ्व भाषा सुनानं मल्ला:सा
संस्कृति कलाया सेवा मया:सा
सी धुंकल ज्वी उवले हे
जुग जुगान्तर न्हापाहे । ४ ।

प्यांवै च्वंगु व स: मांयागु
स्वेनु रे कीसं अरु छायापीगु
सर्ग: पाता: छस्वा मजुतले
व्वांवने सकलें दिहे मदिसें । ५ ।

स्वयाच्वन आ: नं मुसुन्हिला:
की मां कीगु न्होने दना:
प्रत्यक्ष ख्वा: थौं कीसं खंगु
प्रसादं ख: व मालिनीयागु । ६ ।

सिद्धिदासजु छहा मूथां कीगु
जवा: भाषाया तस्कं बल्ला:गु
केवल वहे ख: रक्षक सेवक
व स्वां उवले ह्वेका त:ह्य । ७ ।

धन्यवादया पात्र वहे जुल
न्हीका: गुह्यास्यां थो स:यात तल
लुमन्ति सध्दां चिन्तन मनया
प्रसादं जूवै व मालिनीया । ८ ।

की /

मालिनीया प्रसादं

लाभरत्न तुलाधर

यनि न्येदं मयाक ह्यापा महाकवि स्वर्गीय सिद्धि-
दासं छगू समस्या पूर्ति ब्यूगु जुया चवन । सके थ्व
वय्कलं थः शिष्यपिके काःगु छन्द-परीक्षा जुइमाः ।
थुगु खँ कवि केशरी चित्तधर 'हृदय' जुया सफू कीगु
साहित्य स्वःसा बांलाक धवाथुइ ।

उगु बखतय् केवल निह्म कविपिसं थ्व समस्या
पूर्ति याःगु जुया चवन । उकि सी दु कीगु भाषय्
छन्दय् चिनाखँ चिनीपि उबलय् निसें हे ह्यो । थुगु
हाति कीसं तापाके फुसा बांलाइगु खइ ।

महाकवि सिद्धिदासजुयात यःगु छन्द मध्यय् छगू
'मालिनी' छन्द नं खः धैगु खँ उगु समस्या पूर्तिया
शीर्षकं वयं । व खः 'मालिनी या प्रसादं' । मेवल्य्
मफुसां थौं की छन्द प्रेमी सिद्धिदासजुया बुसादंया
लसताय् वय्कःया यःगु छन्द व हे समस्या पूर्ति यानाः
मालिनी प्रेमी सिद्धिदासजुया अत्याख छन्दोवद्र कृति
व यशोमय कीर्ति प्रति श्रद्धाञ्जलि छछायेगु ई ब्यूगुलि
धन्यवाद छछासे कविगुरु बिद्यादीगु समस्या पूर्ति याये-

उकुस मुकुस दंकाः, व्योमया छ्यूं प्यखें व्वै
पिलिक मिलिक मिकाः पल्पसां सो पुना व्छै,
थन पुत कवि सिद्धि कीगु भासा ख्यलय्सं,
सरर सरर काव्यं जः ह्वलाः छ्यूं व्यलय्सं ।

गथ्य सुरज नसंचां ल्वीगु खः व्याप्त शौर्य,
कवि गुरु लुल भाषाकाशया दीप्त सूर्य,
उह्य रवि सम सिद्धि-दासया थौं बुसादं-
सतछि व गुदें न्याय्का, मालिनीया प्रसादं ।

व्यावहारिक उपयोगिताया सन्दर्भय्

नेपाल सम्बत्

काशीनाथ तमोट

नेपाल-सम्बत नेपालया थःगु सम्बत् खः । थ्व
न्ह्याथे यानाः शुरु जूगु ज्वीमाः, थ्व नेपालया चाय् बूगु
बस्तु खः, उकि थ्व सम्बत् प्रति नेपाःमितय् आत्मीय
सम्बन्ध दै । थौं सरकारी स्तरय् विक्रम सम्बतयात
थः नाला चवन । थ्व कीगु बिदेश मोहया मचायेक
पुनाच्वंगु त्वय् खः । थुकथं कीसं थौं बिचाः याये
माःगु कारण खः कीगु दे बिकासोन्मुख अर्थात् अवि-
कसित दे जूगुलि यदि नेपाः थें ज्याःगु देशं थःगु हे
तुती दनेगु खःसा प्रत्येक खँय् थःगु पहः दयेमाः, थःगु
खँ छ्यलेमाः । थ्व खँ थौं वयाः सुरक्षाया लागि
धकाः भारतया छुं थासय् नेपाःमितय् प्रतिबन्ध याःगु
व बिश्वव्यापी उन्नत राष्ट्र बिदेशी सहायता ह्य यायां
यंका च्वंगु खं नं थ्वीकेमाः । नेपाःया थःगु हे सम्बत्
दुगु राष्ट्रीय गौरवया खँ खः, थौं थ्व थःगु हे देशय्
उपेक्षित जुया चवन ।

सरकारी स्तरं विक्रम सम्बत्यात नालाःकागुलि
कीसं थ्व ह्तिथि ह्तिथं छ्यलेमाःगु जुयाचवन तर नेपाःया
जन जीवनय् नेपाल सम्बत्या तःधंगु उपयोगिता दु । व
गुकथं धैगु न्ह्यसः वै, व खः तिथि सीकेमाःगु अत्यावश्यकतां ।
विक्रम सम्बत सूचीं चाह्यू कथं न्ह्याइ, नेपाल सम्बत्
मिला चाह्यू कथं न्ह्याइ । नेपाःमितय् धार्मिक भाव-
नायात नं कन यचुका बीगु खँ खः-नेपाल सम्बत्
न्ह्याइपुगु थ्वकं (शुक्लपक्ष) शुरु जुइ, विक्रम सम्बत्

गथेसेसे चवनीगु गाकं (कृष्ण पक्ष) । उकिं नेपाल सम्बत्यात शुक्लादि सम्बत् धाःसा बिक्रम सम्बत्यात कृष्णादि सम्बत् धाइ ।

नेपाःमितय्गु जनजीवन तिथि मसीकं बालाक मन्ह्याः, न्ह्या हे न्ह्याःसां थःगु सांस्कृतिक जीवन पद्धतियात त्वःमंकाः । अथे जूगुलि नेपाःया जन जीवन अप्वः व्यावहारिक व व्यापक यायेत नेपाल सम्बत् छ्यल धाःसा अपुक हे छ्यले फइ । छाय्धाःसा नेपाल सम्बत्या लय् तिथि अनुसार जुइगुलि गबलय् छु तिथि वचन अपुक हे सिइ उकिं यानाः थःगु संस्कृति नाप अप्वः सम्बन्ध जूवनि, अप्वः ममता दःवनि । थौं कन्हय् 'कछला ९' धाःसा थुकिया अर्थ कछलाथ्व नवमी धायेगु पलसा 'कछला नौ गते' धायेगु यानाः हेच्वंगु दु । थ्व बिक्रम सम्बत्या नकल खः । अथेनतु 'कछला २५' आदिकथं नं च्वेच्वंगु दु, थ्व नं बिक्रम सम्बत्या नकल खः । थ्व 'कछलागा दशमी' धाःगु खः । थुगुकथं 'गा' व 'थ्व' स्पष्ट वयनाः च्वयेगु अप्वः सांस्कृतिक व स्वाभाविक जुइ । थुकिं यानाः तिथि नाप अभिन्न सम्बन्ध दयाः सांस्कृतिक जनजीवनय् नं थुकिया छ्यला अपो जुजुं वनि, अले इमिसं नं कातिकया पलसा कछला धायेगु प्रति अप्वः आस्था तइ ।

सांस्कृतिक रुपं थथे जूसां नेपाल सम्बत्या थःगु पन वयनेत छसिकथं कछला १ निस्यं ३० तक च्वयेगु आवश्यक जू इव, छाय्धाःसा मेमेगु सम्बत्तय् थथे च्वयेगु चलन दु, थथे च्वयेबलय् व्यवहारय् अः नं पुइ । थय्क बिचाः यायेबलय् 'बजे' यात नेपाल भाषा कथं 'ताः' धाःथे नेपाल सम्बत्या ह्नि (दिन) यात तिथिकथं वा गते कथं मधाःसे 'खुन्हू' धायेगु वेश ज्वीला थें च्वं । गथे- '२१' यात कृष्णपक्ष षष्ठी वा '२१ गते' मधाःसे

'२१ खुन्हू' वा '२१ कुन्हू' धायेगु वेश ज्वी ला ? थःगु पनया लागि थ्व छगू बिचाःणीय खँ खः ।

नेपाल सम्बत् कथं चान्द्रमास कथं तिथि मिति च्वयेगु अपो ऐतिहासिक नं जुइ छाय्धाःसा नेपालय् चन्द्र शमशेर (१०२१-१०५०) या न्ह्यव थ्व हे चान्द्रमास कथं छ्यलेगु यानातःगु दु । वयां लिपा तिनि सौर्यमास प्रचलन अर्थात गते अप्वः छ्यलेगु ज्या जुया वःगु खः । नेपाःया इतिहासय् ह्तापा ह्तापा अप्वः हे तिथि बीगु चलन दु मिति मखु । तापाकया छु खँ थौं कल्लय् सरकारी स्तरय् ह्तिपा जुयाः पिदना च्वंगु 'गोरखा पत्र' हे नं देव शमशेरया ई तक चान्द्रमास कथं तिथि जक तयाः पिकाःगु खः । ऐतिहासिक स्वापू नं परम्पराकथं दै च्वनीगुलि नेपाल सम्बत् छ्यलेगु व्यावहारिक जुइ ।

चव्य च्वयागु छुं कारण व थथे हे मेमेगु कारणं संस्कृतिप्रिय नेपाःमितय् जनजीवनयात नेपाल सम्बत् अपो व्यावहारिक जू । छ्य धकाः सरकारं छ्यये-कुसा न्ह्यागु छपला च्वने मालि, व ला मेगु हे खँ जुल ।

१०९७ कछलाथ्व ९

छम्ह तसकं नुगःस्याःम्ह मनुखं न्हूदया लसताय् तसकं तःजिगु भिन्तुना पौ छापय् याकाः इन ।

भिन्तुना पौ इने धुंकाः मफुतय् उलिमछि दां फुकेलात धया थें वया नुगः स्यात ।

उकिं वं छगू विज्ञापन पिकयाः भिन्तुना पौया खामय् भूलं लाःवंगु न्यासः वंगु नोट लिता बी हयैत इनाप यात ।

थ्व खँ सियाः वया कलात न्यासः दां दुगु छगू सुं छम्हस्यां बो हःगु धकाः वयाहे धुकुति पि बिया बिल । अले तिनि वया नुगः च्वन ।

छगू चम्चा न्यूट्रोन सछिम्ह किसि नं क्वबुइ फैमखु

राजाराम प्रधानाङ्ग
देवेन्द्रमान श्रेष्ठ

विज्ञानया न मो वा गि हे मसःपिसं श्व सारा संसार छताहे जक वस्तु दुगु जुडमाः धकाः मती लुइकाः ताई तक न्ह्यपु नायेकूगु खः । सारा संसार गुगु पती छता वस्तुखं दुगु जुड धकाः कपाः त्युत्यु वंबलय लः, फय्, मि, पृथ्वी आकाम न्याता तत्वं सारा संसार व ब्रह्माण्ड नं दुगु धकाः धै वन । थुपि न्यातायात पंच तत्व धकाः धै जुल । थौ तक नं छी यक्वस्यां पंच वत्व वयापि पंच तत्वय् हे वने मानि धकाः धया वयाचवनागु दु । तर आधुनिक विज्ञानया लिधंसा कयाः धायेगु जसा गुगु न्याता वस्तुयात पंच तत्व धया वयाचवना उकी छता हे तत्व (element) मदु । अर्थात पंच तत्वय् त धंगु भव्वाय व्वय् धुंकल ।

आधुनिक विज्ञानया बांलाक विकास प्रकाण्ड विद्वान वैज्ञानिक जोन डाल्टन निसै हे जूगु धायेमाः । डाल्टन न्ह्यागु वस्तुयात नं कुचा थला यंकल धाःसा अन्तय वयाः दकलय् सकलय् चीकूगु कुचा जुड, गुगुयात हानं कुचा थले फैमखु वयात परमाणु (Atom) धकाः धै वन । तर डाल्टन सः सुक्क हालावंगु खँ नं थौ मखइ वन । परमाणु धैगु दकलय सकलय् चीकूगु मखइ च्वन । परमाणुयात नं हानं कुचा याये ज्यूगु जुयाच्वन । परमाणुया दुने नं विचित्रगु थःगुहे छगू अलग संसार दुगु जुयाच्वन । परमाणुया दुने च्वंगु संसारया बारे ताहाकः यानाः कता च्वंसा परमाणुया न्यायण हे दः वइ । उकि चीहाकलं छःवाःचा खँ कने । थौ तकया दुने वैज्ञानिकतय्सं अथेहे व खुता जिया परमाणुत सीकुगु दु । तर

न्ह्यागुहे परमाणु थजुइमा (हाइड्रोजनया परमाणुयात त्वःताः) परमाणुया दशइलाक न्यूट्रोन व प्रोटोन छधी चिना च्वंगु दु । थथे छधी चिनाच्वंगु थायायात Nucleus धाइ । श्व Nucleus यात छचाःखेरं Electron नं चाः चाः हिलाच्वंगु दु । Nucleus या दुने प्रोटोन व न्यूट्रोन दुगु जुल । थपि नितां उलि उलि हे ऊयातु तर प्रोटोनयाके विद्युतया (Plus) चार्ज दइ व न्यूट्रोनयाके अज्याःगु विद्युतया छुं नं चार्ज दइ मखु । वैज्ञानिकतय्सं छगू न्यूट्रोनया तौल अथे हे १ ए. एम्. यू. (Atomic Mass Unit) दु धइगु सिकल । अर्थात छगू न्यूट्रोनया तौल 1.66×10^{-24} ग्राम दु । छगू न्यूट्रोनया तौल तसकं तसकं हे ह्यो, अरवौ न्यूट्रोन छथासं तःसा छगू ग्राम हे मदु । तर छगू न्यूट्रोनया आयतन गुलि दु धकाः स्वःसा अजू चाइपुसे च्वंगु हे ह्यो । यदि छगू न्यूट्रोनया आयतन दकले सकले ऊयातुगु परमाणुया Nucleus या तिहे जक तल धाःसा थुकिया आयतन 4.2×10^{-36} मिलि लिटर दइ । यदि छगू चम्चाय् ५ मिलि लिटर जक न्ह्यं धकाः हिसाव यात धाःमा छगू चम्चाय् अथेहे 12×10^{35} गू न्यूट्रोन न्हानी, गुकिया तौल अथेहे 20×10^{11} ग्राम दइ । अर्थात अथेहे 20×10^5 मेट्रिक टन अर्थात २० लाख टन दइ, थुलि तौल सच्छिह्य किसिला छु द्रःछिह्य किसि नं क्वबुइ फैमखु । पृथ्वी च्वपि फुक्क किसित मुंसां नं थुलि तौल ल्हने फै मखुला मस्यु ! ○

फुस्कलुपिं मनूत

टि. एस. इलियट

(१)

खः, की फुस्कलु मनूत
 खः, की दुकुलु मनूत
 थवं थवय् लिधना च्वना
 छ्यं जायेक सु थनाः ।
 अहो... थः थः ह्यापनय् खँ लहायेबलय्
 कीगु गंगु सःया छुं अर्थ मदु
 गंगु वुँ - भक्ति - कवथाय्
 तज्याःगु ह्याय्कनय् छुँतय् तुति न्यासि वं थें
 अथवा गंगु घाँसय् फय् सं थें
 गुपचुप... बिना अर्थ ।
 बिना आकारया आकृति
 बिना रंगया किचः
 बाथ लवचं ग्रस्त शक्ति, अले
 बिना भाव ज्यानाया खाः ।
 गुह्यसे मृत्युया राज्यय्
 थःगु मिखा फयाये धुँकल
 जिमित लुमंकि ।
 थःत तंकाच्वं पि उकुसमुकुस आत्मा भाःपयाः मखु
 केवल फुस्कलु मनूत
 दुकुलु मनूत भाःपयाः ।

(२)

व मिखात ह्यगसय् तंकाच्वं गु आँट मदु जिके
 मृत्युया ह्यगस राज्यय् कनाच्वंगु मिखात
 अन, मिखातदक्कं खाः कुचां त्वाल्ल लि थिनाच्वंगु
 पू-निभाः खः
 अन, छमा सिमा सनाच्वंगु दु
 अले तापावक आकासय्
 सिनावने त्यंगु नगु स्वयाः नं
 अप्वः तापावक व अप्वः एकान्तय्
 सःत दक्कं फसय् व्वयाच्वंगु दु ।
 मृत्युया ह्यगस राज्यय्
 तापाये व्यु जितः नं
 पुंके व्यु जितः नं
 थयोगु हे अस्वाभाविक वसःत
 छुँया छ्यंगू
 क्वःया छ्यंगू
 विरुप व असह्य खाःपाः
 जीवनया छगू ख्यलय्
 फसं याःगु व्यवहार यानाः ।
 अन्तिम नापलाये बलय् स्वयाः अप्वः
 सत्तिके मयः जितः
 बो निभाःया थ्व राज्यय्

(३)

श्व वले सिनाच्वंगु दे खः
 श्व वहे कं कंया जंगल थहां वइच्वंगु दे खः
 थन त्वहंया मूर्ति त थनातःगु दु
 सीत्यंगु नगुया पुलुक छपुलु जलय्
 थुपि मृत्युया ताहाः ल्हाः ज्वनेत तत्पर ।
 व इलय् गुबलय् कीपि कातरपनं थुरुथुरु खानाच्वने
 चुप्पा नयाः क्वाके माःगु म्हुतुसि
 तज्याःगु त्वहंमूर्ति न्ह्यःने पुलि चुयाः प्रार्थना यानाच्वने
 उबलय् याकःचा न्हयलं दनाः स्वयेबलय् खनीगु
 मृत्युया राज्य थथे हे खः

(४)

मिखात थन मदु
 खः थन मिखात मदु
 सिनावने त्यंगु नगुया श्व गालय्
 श्व फुस्कुलुगु गालय्
 क्रिगु तंगु राज्यया श्व त्वःधूगु वाकुधी
 थाय्-बायत लिसे अन्तिम नापलानाच्वंगु इलय्
 कीपि दक्वं छप्पं मुना च्वना
 खँ ल्हाये माली धकाः कीपि घच्चाः
 बाः वइच्वंगु खुसि सिथय् यात्रायात छप्पंमुनाः
 पियाच्वना ।
 छुं खने दै मखु
 मिखात खने मदुतले
 न्ह्याब्लें च्वइच्वनीगु नगुत थें
 कः कः धाःगु पत्र पत्र हलं जाइच्वंगु गुलाव थें
 बी निभालय् खने दुगु मृप्युया राज्यय्,
 च्वपि मनूतय् छगू प्वंगु आशा श्व ।

(५)

का, की कंमाय् चाःहुला च्वना आः
 उखे कंमा, थुखे कंमा, प्यखें कंमा थहां वइच्वंगु दु
 सुथया न्याताः इलय्
 का, की कंमाय् चाःहुला च्वना आः
 विचार व यथार्थया दथुइ
 ल्हाः व ज्याया दथुइ
 हाकुक्क किपालु कुतुंवइ
 छाय्कि, मृत्यु ! श्व छंगु हे राज्य खः ।
 धारणा व सृष्टिया दथुइ
 जोश व प्रयोगया दथुइ
 हाकुक्क किपालु कुतुंवइ
 उफ् ! जीवन तसकं तसकं ताःहाकः जुल ।
 इच्छा व संभोगया दथुइ
 पुंसकत्व व जीवनया दथुइ
 सौन्दर्य व रूपया दथुइ
 हाकुक्क किपालु कुतुंवइ
 छाय्कि, मृत्यु ! श्व छंगु हे राज्य खः ।
 छाय्कि छंगु खः
 जीवन छंगु खः ।
 थन दक्व फुक्व छंगु खः -
 संसारया अन्त्य थुकथं हे जुइगु खः
 संसारया अन्त्य थुकथं हे जुइगु खः
 संसारया अन्त्य थुकथं हे जुइगु खः
 छगू विस्फोट लिसे मखु
 छगू मधूर स्याःचालय्
 छगू सीमदुगु छत्पत्प

भाय् ह्यूह्य - केशवमान शाक्य

त्रिसुलि- जिगु मिखाय्

सुरेन्द्र शाक्य, त्रिसुलि

थय्वक स्वयेबलय्

त्रिसुलि- खुसि शान्त ।

थनयालः - निर्मल, पवित्र ।

अय्नं,

थवया नुगः शान्त मजू ।

थव शान्तिया दुने छगू छटपटी दु दुघाः दु ।

त्वहंतय् हाःसां

थुन्नां चुइक दःसां

सुं क चने मदु थवया ।

अकें त्रिसुलि,

जीवन- बाखंया म्ये दयेकाः

जुहारी म्ये हालाः विरह प्वंकाः

खवया चवनी, न्ह्याना चवनी ।

न्ह्याना चवनी, खवया चवनी ।

त्रिसुलि खुसि- अन्जान बेरोजगार न्याया

छगू बस्ति खः ।

थनया प्रत्येक न्या विवश थःगु प्वाथं यानाः ।

अकें थुपि,

थवं थवय् त्वानाः, स्यानाः

म्वायेत स्वइ ।

थूमिसं छु सिउ, सुलिसे त्वाये माः ?

थूमिसं छु सिउ, सुयात स्याये माः ?

अँ, अले-

थवहे खुसिलिक्क छगू बस्ति दु ।

थव माफिया बस्ति खः ।

थव छगू बजार खः ।

थवहे बस्ति या दथइ छगः देगः दु ।

पाप त्वपुयाः दनातःगु

थव देगः च्वस्सं

धर्मया पताका छगू

व्वइचवंगु दु ।

थनया माफिनसें

प्रत्येक सन्ध्या- इलय्

खुसिसिथय् ऊवःलाक दनाः

बल्छी नसा व्वयाः

न्या कयंकी ।

थव छगू व्यापार खः- माफिया ।

थव छगू पेशा खः- माफिया ।

फुसय् चवंगु तापुतिइ

मोटरय् कण्डा फरफर व्वयेकाः

न्याया खःसः ताःसां मताःछू यानाः,

माफिया बलिछ खसां मखंछू यानाः,

लानाचवंगु न्या

थःत नं छुं व्वति वइ थें

इतिइति ह्लिलाः व्वाना चवनी ।

इतिइति ह्लिलाः व्वाना चवनी ।

○

नेपाल सम्बत नेपाःया राष्ट्रिय सम्बत खः

की सुं सराः गूस्त सः मदुपि

त्वहं मखु

जीवन कंसकार

चवसां जक थियाचवंगु स्वर्ग स्वयाः
गथे प्यायत्राः तनी अत्याख मिखाया
धातर्हे स्वर्ग ला जः पिज्वःगु जुइमाः
कां स्वर्गया छु मतलव
थौं की म्वानाचवना मछिमछि
ख्वाउंया परिवेशय्
घण्टाघरया सः ल्याःख्याख्यां
प्रत्येक हिनू ख्वाउं भुतुली स्वर्थके व्युव्युं
ह्लाः तुति चनकु चनकुं
थौं की पलाः ततं वनाचवना
न्हूगु स्वाःनेय्
कह्लय्या क्वाःजः लुमंकाः
छयं हे ततज्याक
तर सुनां धायेफु
अन स्वाःने त्वाथलय्
चकू लिकाकां यंकाचवंगु दु
गन
लंपख्याःतसें पत्तुपपं
चवत्यंक ध्वाना ह्याचवन
ह्लाती प्लास्तर तयेकु तयेकुं
कीगु ह्लाः हे प्याखं हुइ धुंकल इमिगु मन्त्रय्

थःगु हे न्यतानय् चाराक दाये माःसां
की- तक्थन इमिगु पद्यन्त्रय्
म्वाःम्वाकं दं कायेत याना चवंगु अभिनयय्
मिखा तुंकाचवंपि कीगु ह्लातिइ
कौ इला तयेमाः वय् बुत्तु बुलाः
सहि जक तयेसःगु पतिचां- ध्याप्प तयावी धकाः
अयूनं की गुपचुप
दया मायाया त्वचंगूस्त ज्दो धुंकूगु न्ह्यपुं
थःम्हं लहिनाह्म खिचां ह्वय् च्याक्क न्याःगु वाःचालं नं
सासः तक नं ह्लाये मफुगु शक्ति कीके थौं
जि अजातशत्रुया श्रीमती थें
जि देश विद्रोही ध्व थायया
चैत्यया जलं मुक्त जुइ मफुह्म जि
जि चित्राय् दक हले मास्तिवः विश्व हे थक्क
सासः हे थ चव्वीमा
तर लाखय् लसिया न्ह्यःने पुनखुं मैचिया छु अर्थ
सत्यता खतनःगु इलय्
गुलि निरास निरुद्देश्य जीवन
वास्तविक यथार्थतायात घुतिनेगु वाध्यतां
नुगः जक चेचेतुइकाः गुलि चवंचवने की
मिखा जक पुलु पुलु कनाः
अगिमथः स्यायेगु मनसां
छफुति छफुति हि फुति
मायनद्रेक्सं पाय्क यानाः
ह्याउँपि मचातय्त ग.पः त्युत्युं
उसिहि न्ह्यज्यानाचवंगु पलाः ख्वाय्त स्वयाः
न्हूगु दं इलं सःतुगु ई की
ह्लाः- तुति स्वहायेके वियाः वाथावाथा कपि की

हिसाब, नुगलं या:गु

गिरिजाप्रसाद जोशी

नमस्ते यायेफक्व याये धुंका: नं
जिगु नुगलं हिसाब यानात:गु दु कि
व छहा गधा ख:
व मनूया ल्याखय् छहा गधा मस्यु स्वैगु
भूलं च्वंव:गु ख:
जि स्यू, व तुरुन्त सीगालय् थुना छ्वयेमा:हा
मनू ख:
वयात त:धं याना: जि अपराध जक या:गु मखु
व केवल जिगुहे अपराधं त:धं जूगु ख:
जि अपराधीया ह्लातं देदेतंगु नमस्तें
व त:धिक: जूगु ख:
व ला जिगुहे चाकरि व नमस्तें भुतुभुना:
छग: भकुंग्वारा थें त:ग्व: जूगु ख:
उह ! जिगु अपराध -
उलिमछि अन्तर्वाता ब्यूव:पि ... जि सिवे योग्यपि
गुलि दै फुकसित छेवे चीका: जि च्वने थदु
जि धा: वना:, जि गुलिसित अन्या: या: वना
अहो ! जि गपाय्धंगु अपराध या: वना

गधायात द्य: या: वना
अज्या:गुहे अपराधया ह्लातं ज्यानात:गु सजामी व
सेवां हे व कारय् महान् जूगु ख:
अय् व हखमानचा जि वयाथाय् वंगु मखना
बुं छें वनी, छें बुं वनी
स्वैथाय्सं वंगु मखना
व वेखाभाइचा पसलं छें वनी छें पसलय् वनी
वैथाय् वंगु मखना
आहा ! वैथाय् सुं मवंमा गुलि ज्यू
जागीर नया: जक म्वायेत जन्म जूगु ख:सा
जागीर मदया: सी हे व्यु
जि थज्या:गु अपराध सुनां मया:सा गुलि ज्यू
आहा ! व ज्याय्खेले मदुगु अड्डात चचकना: अन
तिनख्य: जूसा गुलि ज्यू
आहा ! वयाथाय् सुं मवंसा गुलि ज्यू
पिने वइवलय् नापं सुनानं हा:ना: मदया:
व छटपट जूगु स्वये दुसा गुलि ज्यू
नमस्ते यायेफक्व याये धुना नं
जिगु नुगलं हिसाब याना त:गुहे दु कि
व छहा गधा ख:
अले व याकनं
गधा सिद्ध जूसा गुलि ज्यू !



की उपेक्षित फुककं कुलि चिने
थ:गु ह्ला:- तुति स्वाये हानं कीसं
हानं विद्रोह पी कीसं थ:गु सलय्
आज्जु मदुगु अभियानय् आज्जु कायेत
कीसं लें बुइके गुं पर्वतय् नं, थ:गुहे तुति
फ़िजांदंगु मसानय् व्यांचुलि सलं थ्वयेकेत
का हा ! की सुं सरा ग्रस्त स: मदुपि त्वहं मखु
का थ्व वक्वचिनात:गु ख्वाउँभूत तख्या
वाउँ भुतूया अर्थ छु दु कीगु जीवनय्

ख्वाउँ भूतू भूतू मखु ।
कीत पनात:पि लपंख्या: सु ख: ?
कीसं न्हुया वने, कं चक्का हे नं ललद्याक ग्वग्वतुइक
त्वाथ:या चुकू लिकया: दं कायेत स्वयाच्वंपिन्त
ह्लय्ग: अप्पां दारेयाये
आखीर कीगु स्वर्ग त्वत्वपुया:
स्वर्गया अभिनय यानाच्वंहा खसु
ल: जुया: क्वाहां मवसे गय् गाइ ?
धुलय् लाना: मसुसें गय् गाइ ?

हीमीचाःगु फसय् छगू नुगः

वर्तमान छगू अनुभूति

प्रतिसरा साय्मि

संघ 'यज्यू' शाक्य

थ्व छु ?

अहो !

सलाइ - जि

इथरं जाःगु ख्यलय्

स्वानाचवना -

तुतां मरुहा खू थें

याकाद्याका

फय् छत्थु वल कि

हाई

थ्वहे ला जिगु जीवन ?

निभाः त्वयेवं नाइगु च्वापु

जि छु धात्थें स्याउला हः ला ?

अहो !

का स्व गंगालालं थुकलं बिल

धर्मभक्तं फुटवल ध्वात जितः

शुक्रराजं का त्हां पति धस्वाकीन दः

दशरथं स्व स्व दः

च्च ... च्च ... का धाःगु

फसपूगु लप्ते का धाःगु

अँ खः नि

फय् वयां जि छाय् सने ?

हिनुली हि ख्वाउँ ज्वीवं

जोशया हिटरया टुपिन थुने स्वाःला ?

स्वये,

जि टनिक मरुगु हा -

ह्लिछि ज्या यानाः नं

छगः प्वाः कःघाये मफुगु भारं

कय्च्यानाच्वंगु नेपाः (मेची-काली)

शायद्

थौया घोषित जुयाच्वंगु विकाश

मिखा दयाः नं खंके मफुगु

थ्व ग्वाःग्वाः वरवरताया पःखाःत

शायद् थ्व छगू चुनौति

थौया युगयात,

थौया ईयात ।



जितः हनीगु सिन्का मक्कुसा

जि - लप्तेया अस्तित्व

थुने जि तिसाय् हिरा थें

तर

क्वखं घालय् क्वाःसां ख्याये मफुहा सा,

जिगु थ्व कमजोरी

कतांमरिया नुगःघाः

प्याःगु सलाइ जि -

नालय् त्वःगु फकंमा

ध्याचलय् कुतुवंगु वासः

जि छम्हं हे छु - छु

स्वप्न कविता

आनन्द जोशी

वसन्त अर्थेहे लिहांवन

ख ला थुगुसी नं
वाउंगु जीवन बुइकेगु यक्व इच्छात म्वाकाः
वसन्तं दुस्वःवःगु दु कीथाय्
तर, बुंया चा अर्थे हे वेहोस तिनि !
लः त्वने मखनाः बुंया चा अर्थेहे चिरिचिरि बाया हे
चवनतिनि !

उकिं,

वा-पुसा ज्वनाः वा पीत वःहा ज्यापु
बुँइ फिं त्वपुयाचवंगु खनाः
लागिमिगि चायाः लिहां वं थें
वसन्त लिहां वन थुगुसी नं थनं !
खः, वसन्त हानं छकः लिहां वन -
कीत, कीगु असमर्थतायात हिस्यानाः!

खुसि थः यस्सें गुबलें नं गनी मखु

खुसि थः यस्सें गुबलें नं गनी मखु
गनीहा खुसि मखु !
तर, गुलि असमर्थ व खुसि
छफुति निफुति यायां गनावनाचवंगु क्रमयात पनेत !
खः, सूर्यया प्रत्येक जति

साहु छगः निगः यायां शोषण याः थें
छफुति निफुति यायां त्वना
स्वस्वं हे चिव्या जुयावनाचवन खुसि !
गं लिसे थःगु जःखः फिसः फिसः खनाचवन खुसि !
अरे, छं गाः म्हुया स्व
फिसः दुनेया लः नं गुलि आतुर म्वायेत, म्वानां बीत !
खः, थः गनावनाचवंगु खनाः नं
सह याना चवने माःहा खुसि
खुसि खयाः नं
व जिन्दगी खः
छहा भरियाया, छहा कुल्लिया, छहा ज्यामिया ।

पाःलूथाय् न्हायेवं तुं लः खुसि मखु

तव्या जुइगु अभियान नुगलय् ब्वलंकाः
खुसि
थः निखेया सि ज्ययेका यंका चवन
मानो व खुसि हे खुसिया अभियानया निम्ति
तःधंगु पंगलः खः !
दनाचवंह सि ला ग्वारातुल, ज्यलावन
खुसि निश्चय नं तव्या जुल
तर वं थःगु प्रवाह तंकल
बुँइ थनातःगु लः थें
पाःलूथाय् लः घुसुहं न्हायानाचवन !
अय्, पाःलूथाय् न्हायेवं तुं लः खुसि मखु
सि मदयेक न्हायानाचवंगु लः खुसि गय् जुइ फइ ?
प्रवाह नापं म्वायेत ला
खुसियात सि माः !

न्हूदया न्हू खँ

दुर्गालाल

खुयुं स्य लुमधं ख्वाः वय्याः थौं
क्रीत धँच्वन न्हूगु दं -
गो छु हे जुल दँय् - दसंया
छिमि सभा सम्मेलनं ?

मखु, ख हे मखु, वनेगु थय् मखु
अन थयनी मखु थय् वनां
सो खवया च्वन न्ह्योन्य वंपि
शत्रुया तुति ववय् च्वनाः

लक्ष्य गुगु खः, वन्यगु गुगु लं
छुं ग्वसाः मग्वसें छिपि
वन, वनां च्वन वन्यगु नामय्
हा ! गपाय्चवः ध्वां छिपि !

अत्य गनं हिल्य फँगु धा जि
छुं मस्यूपि स्वां हिलां ?
थन जि वय्धुन धाय्गु हे गय्
मात्र क्यालेन्डर हिलां ?

शत्रुया अन्याः लुमंकाः
तं घृणा नुगलय् मुनाः
न्हूगु जोशं, न्हूगु होशं
लक्ष्य नं न्हू तातुनाः

आस्य, पलख दिनाः बिचाः या
छाय् छिपि थय् वै च्वना
आज्जु हे काय् मडुगु लँय् छाय्
चःति सिर्ति छ्वै च्वना

वय्त जा आय्बू जि छिम्याय्
किन्तु गो जिगु वय्गु लँ ?
थन जितः छिमि हय्गु जूसा
न्हू छगू नि संघ स्वं

फुक्क छह्य थें, अन्त यायां
रूढीगत व्यवधानया
तंगु छिमि संसार लुइकयत
न्याय्कि याः अभियानया

स्वस्वखं हे थः शत्रुं
यां कयाः दाः वयेक नं
छाय् नुगःया स्याः पिज्वय्काः
खवय् मफुगु हां तिस्सलं

मात्र दुर्वल कलम संकां
गय् थ्व पर्वः चीक्य फँ ?
मुइकय तुपतं हे मफय्कं
गय् थ्व ईड्यः हीक्य फँ ?

छिमिगु गति हे लँपु जुया बी
स्वां जुया बी कं तकं
न्ह्याक्कव हे तःजाःगु जुइमा
क्वच्छुना बी पर्वतं

मजिल मजिल थ्व मजिल छुं हे
हीकि ह्लापां थःगु लँ
त्वःति उह्य नेता गुम्हेस्यां
छिम्त छ्वै हल मखुगु लं

मखु, छयनय् मखु, न्ह्यपु व नुगलय्
लालपात्या स्वां छुनाः
खंगु चाय्काः दय्कि सहलह
फुक छथाय् छह्य थें मुनाः

छिमि मिखा छूया पति हे
थिकु थिकु थिकु ताः बियाः
लालपात्या मुसुकया बी
छिमिगु स्वागत म्ये जुयाः ॥

छगू न्हू-दँ दना वइ

प्रवीण शुक्ल

छगू तःजाःगु हिमाल दुगु देश
गनला जि बूगु खः
थन, जि थःन्हं हे धकिं चायेका स्वये फत
जितः मती लुल-
तःजायेमाःगु जि मखु हिमाल खः
गुहा थः हे स्वयं तःजाः
जिला मात्र थवया छ्यं क्वछुके मबी ।
तर, देशया हि बिदेशय् न्ह्यानाचवंगु खनाः-
सगरमाथा भुरलुं च्वनाच्वन;
अले, छगू हागस घानाः-
थ्व असह्य वास्तविकतायात न्हंके माः जि ।
खः, गन जि धकिं चायेका स्वया
जि चाल-
समृद्ध ज्वी माःगु जि मखु
जि बूगु देश स्वयं समृद्धिशाली खः,
तर, लाकां मडुपि तुतित, लं मडुपि नांगापि

-थ्व यथार्थतां श्वत्वपुयाच्वन

जिगु देया समृद्धि;

अले, छगू हागस घानाः-

थ्व यथार्थता च्वत्तुक्क हुयाछवये माः जि ।

जिगु हागस- असह्य वास्तविकतायात न्हंकेगु ।

जिगु हागस- असह्य यथार्थता च्वत्तुक्क हुइगु ।

तर, ... छघुतु लःया लागि तकं सः तये मफेच्वंगु ई

थ्व इलय्-

ह्लि छगू आत्महत्या बुइकाःनं सी मफुहा छगू आत्महत्या जि

अहो ! जिला तालं ग्वयातःगु क्वथा दुने थौं तक

जिगु हागस पी मखन धाःसा छु याये

छगू मृत्यु - खिचा सी थें जाःगु मृत्यु

... मखु, ... मखु ... ।

जि जिगु हागस पी मानि

जि थनं पिहां बनेमाः

पःखाः थुनाःसां

लुखा तछ्यानाःसां

जि अले हागस पिनाः ज्वार्यो ज्वार्यो सयेके

अले छगू न्हू-दँ हथासं दनावइ

तःजाःगु व समृद्धिशाली जिगु देशगात लसकुस यायेत ।

○

न्हूदँया लसताय्

साहित्यया मूलुखा, यलपाखें पिदंगु

‘ज्वला न्हाय्कं’

न्यानाः ब्वना दिसँ

थौं वं बांलाक थुल

चिनियालाल बज्राचार्य

थौं स्वांयाःपुत्ती । त्वालय् च्वंगु विहारय् ऊ ऊ धायेक
समाःयाना तःगु दु । न्ह्योखाइलय् निसें छके वनाच्चर्चि
मिस्तय् हाःसः दु । चःतुइकथं विहारय् बुद्ध पूजा शुरु जुल ।
श्वाथःगु तुतःसफू दथुइ तयाः पेचाःखेरं बुरात न्याहा खुहा
कुं चाय् च्वनाः तुतः हालेगु सुरसार याना च्वन ।

अष्टमानचा नं म्वःम्वील्हयाः ह्मिगःतिनि मिसां
हियातःगु बिचय्बिचय् भूवानाः कय्कय् कुना च्वंगु वसः
पुनाः बुद्ध पूजाय् सामेल जूवल । पूजा सिधयेकाः भन्तेया
धर्मदेशना ध्यान बिबाः न्यन अनंलि सकस्यां सरलय्
नुगलं निसें श्रद्धा तयाः पञ्चशील नं काल !

“का जिला थौं पञ्चशील कया वया । नयेगु थीके
वले भचा ख्याल या, लालि लाःवनी । थौंयात बकां नं थने
म्वाःल । हेका खँ ला छाया ह्माये थौं लातं न चाये मखु ।
धाधां कलाःम्हेसिया खाःछक्कः स्वल । कलाहा मुसुं
ह्लिजाः भुतुली मि खात ।

सुथय् जा जि नये धुंकाः लासाय् ग्वारा तुल । बकां
लुमंसि वल छुं लुमदंथें, पित्याःथें, ककु स्वत्ताःथें नुगःपा
खाउंसे च्वंथें जुया वल । उसुं मुसुं धायाः ग्वाखनय् च्वंगु
थूया चुरोट ज्वन हाकनं मती लुल-मयल थौं छन्हू त्वने हे
मखुका । ल्हने धुं कुगु चुरोट त्वःताः ग्वारा तुलाः पाह्लाः
मूचि नाः म्हुतुसि दिकाः मिखा तिसिनाः चुरोट साःथें
यानाः सुइत सुइत खाली सासः साल कुं पिकाःथें यानाः
फुरुर मिं ताहाकःगु सासः पिकाल । थुकथं हे आत्म-
सन्तोष यानाः वं आह्लां न्ह्यः वयेकल ।

न्ह्यलं चायाकथं वाजं-गाजं दाफा भजन ज्ञानमाला
भजनया हाःसः ताल । मात्ति चाचां लखं भचा पियाः रथ
यात्राय् सामेल जूवन । भगवानया रथ ल्हने धुं कुगु जुया
च्वन । भभ नंक ऊवलय् वनाः भजन हालाः पलाः न्ह्यःने
छित ।

बौद्धिथ सम्पूर्ण नगरय् रथ परिक्रमा सिधये धुंकाः
सकलें थःथःछेंय् लिहांवन । अष्टमानचा नं त्यानुक छें
लिहां वया च्वंगु बखतय् लेंपुइ गालिचाय् नपसत्यां ह्लाःत
इसरा यानाः सताः धाल- थौं ला धार्थेहे जमे जूहा लाना
च्वन । द्वाःछ्वेलाः स्वरे स्वे गुलि जमेजू । धाधां छ्वेला
भेगः उलाः लिक्क व्वयाः कयन । हस्स मिं बास वय् कथं
वया म्हुतु जायेक ई वल । प्वाथं निसें पित्यानावल ।
नुगः चुं निसें मिप्वाला पिहां वःथें जुल । ‘गुलिया तइबी’
धइगु सः वयकथं वं दुने वनाः बेञ्चय् बुलू थुचू च्वन ।
‘थौं ला शील कइ तयागु दु, मय ... धकाः वं धाये मलावं
हे ‘का म्वाःल छ नं भिक्षु ज्वी तिनाला ! अरहत हे
ज्वीगु ला छु !’ धकाः वं रिकापिचाय् दंक छवय्ला
बजि तयाः न्ह्यःच्याकल । ह्लिछि रथ यात्राय् चाःहिलाः
पित्याना च्वंगु यइपुसे च्वंगु छवय्ला वास् अले पसत्या
पासाया आति आग्रह थ्व स्वंगु स्थितिया बसय् लानाः वं
‘म्वालका न्यागू शीलय् छगू शील तोफिनां छु जुल, बाकी
प्यंगू या पुन्य फलला ल्यं दु हे दुनि’ धकाः मत्ती तयाः वं
रिकापि ज्वन । हाकनं ज्वाइय च्वंगु ऐला छव्वला नं वया
न्ह्योने तयेहल । थ्व ला थौं मय बा ... छुं धाये मलावं हे

ऐला: मदयेक नं छवय्ला कथु ववांवनी याला, वया: खं ह्लाई ! धाइगु स: वया ह्ताय्पनय् दुहांवन । 'ख नं ख: छवय्ला हे जति नये माल धा:सा ऐला छाय् मत्वनेगु । नित्ता शील वन का, स्वंगू शील ला बाकी हे दनि' धका: मति तया: वं छवय्ला भ्वा: तित्युं ऐला: घुतकल ।

नये त्वने सिधयेका: वं धेवा बगली स्वल मडु । ए थाकुचाय् मते ह्तां, धेबाला लिपा जक बी' धका: धायेवं पसल्यां मिखाव: तगवका:- थौं या दिनयूनं सुनां थिका बीला क्या:... छे नं कया हकि रे ... धका: धायेवं व 'आ: थर्थे हय्' धका: धया: म्हुतु पिप्युं तत: पला: याना: छेय् थ्यन । छेय् धयबा दुगु मखु । दुगु फुकं ह्तिग:तिनि जाकि के चि कया: फूगु । छुयाय् छुयाय् जुल । तलय् कला:म्हेसं जा थुया च्वंगु ध्वीका: तीजक कला:या सन्दूसचा चायेका: ह्तिचा दुने च्वंगु नितका दां कया: स्वारा म्वारां स्वाहानं ववाहां वल अलय् तप्यंक न पसल्या या ह्तातय् तइविया: - जि थुलि नं बी मफइह्ता ताया ला ? धका: नुग:पा तस्वाका: बजारय् पाखे धि धि मिमि पला: छित ।

बजारय् दथ्वी थ्यं बलय् समेयाना: वइच्चं पि यक्को मिसा मिजं वं खन । अनथाय् हे छह्ता अतिकं बांला:ह्ता मयुजुं अर्धनग्न जुया: तइसे च्वंगु नुग:पा यच्चुसे च्वंगु जँ, यच्चुस्से च्वंगु लप्पा व पिलाक्व खना: व मुग्ध जुल । वइत वं स्वया च्वना । वइगु हिसिचा दुगु मोहनीं जा:गु पह: खना: वया काम दृष्टि चाल । मिसा थ:गु लँ लिया: खने मदये धुंका: वइत हाकनं सुथय् शील कयागु लुमसि व । धत्तेरीका ! स्वंगू शील नं फुतका । बाकी गु निगू शील ला जि अवश्य पालन यायेका धका: मत तया: व छे थ्यन ।

बहनी जा नये धका: पिराचाय् च्वनेत मनेवं

कला:म्हे स्यां न्वात - शील कया धयागु मखुला ? गनं जक त्वना फागु ज्वी ! छाय् धका: धा:गु न्यने कथं वया म्हुतु अनायास प्वाक्क मिक पिहां वल - मत्वना, साय् लाने त्वनी ... धाये मलावं म्वाल म्वाल पा: फया दी मते । शील कयागु वहेला ? भपिका धका: जा भु न्ह्यच्याकल । जा न नं वइत सुख मदया वल । प्यंगू शील अर्थे हे वन का । आ: बाकि छगू दनि ... थव छगू जक सां पालन यायेका धका: मती तया: जा नन । जा ननं ह्ताय्पनय् ... जिगु ह्तिचाय् च्वंगु नितका दां खने मडु । छिसं कया दियाली ? धका: धा:गु स: ह्ताय्पनय् दुहांवन । मकया: धका: धायेवं कला:म्हेसं सुनां जक खुया काल ज्वी धका: धा:गु शब्द न्यनेवं वया नुग: ख्वाउँसे च्वना वल । जा प्यय् कथुं कुहां मवन । छगू नं शील ल्यं मन्त, धइगु मती तया: अर्थे नुसिला: दना वन ।

कह्लय् खुन्हु सुथय् हाकनं उसिमिक विहारय् भन्तेया न्ह्योने अपराधी थें जुया: थुचुं च्वं वन । वया म्हुतुं पिहां वल - भन्ते, क्षमा याना बिज्याहूँ ह्तिग: कयागु पंचशील ला जि छगू हे पालन याये मफुत । थुकि जुया: थौं चाह्लय् बांलाक न्ह्यो हे मवल ।

भन्ते गम्भीर भावं धाल- शील कयाथें पालन ला यायेहे मा: । स्व, तर छंत तृष्णां साल ज्व । छगू तृष्णां मेगू तृष्णा साली अले वं हाकनं राग... द्वेष ... पाप ... सालाहइ ।

अय्सा थव पाप कटे यायेत जि छु प्रायश्चित्त याये माली' धका: वं न्यनेवं भन्तेनं हाकनं धाल- ह्तिग: यागु शील बूत भंग या:गु जुया: छंत दुख व पञ्चातापया भाव वल धा:सा थव हे छंगु प्राय-श्चित्त ख: । हाकनं थ:म्हं यानागु पाप अपराध स्वीकार यायेगु नं मेगु प्रायश्चित्त ख: । म्वा:ल मन यात शान्त या, धका: व्यगु उपदेश थौं वं बांलाक थुल ○

सिना वने न्हयः

केशव शाक्य

खसुं प्यानाच्वंगु पल्ली न्यंक निभाः इल । बुलुहुं
बुलुहुं हा पवाल् तहां वयाचवन । थहांव.गु हा फस्य
बुलुहुं. बुलुहुं तनावनाचवन । निभाः लुमुलुमु धाधां
वइचवन । निभाः कःमी न्यंक त्वल ।

भुनातया, अयनं हा थुरुथुरु खानाच्वंगु
खातं । नकतिनि भचा लुमुलुमु धाल । ह्वापा ह्वापा
जि थुलि चिकु मताः । तर, थौं-कल्लय् ... छुजूगु,
... छुजूगु ! निभाः व मकः ला घौ पलख त्वःते
फुगु मखु । खः, थ्व इलं यानाः थथे जूगु ।
थ्व ई व ई मखय् धुकल । थौं कल्लय् ला सासः
या गति नं हा जू थें च्वं । याकनं याकनं सासः
ह्वाये धकाः स्वये, न्हाक्व या अयेहे । बुलुहुं सासः
दुहां वइ, बुलुहुं पिहां वनी । छकः व ई नं मछ्यलागु
मखु ... जिगु छाति वरेया ज्यासल्य् भौ खवायेवल्य्
थें सं । उवल्य् छकः छकः न्याक्क सासः ह्वाये
वल्य् तागत वुल्ल नुगः दंक वुयावइ । तर थौं-
कल्लय्

छेंया मनूतय् नं जि दु महु छुं वास्ता महु ।
सुथय् छकः सिलुचा वयाः क्वथाय् वं पुइ । बस्
अले सुयां ह्निछि तक छुं वास्ता दइ मखु । तः
धिकःहा काय् अड्डा वनी । वइगु छ्यनय् च्वंगु सँ
हे गुलि तुयी धुकल । तःधीह्वा भौया मस्तय्त जक

व्वः वव्युं लिमलाड । माइलाम्हेसिया पसः धन्दा ।
घरि घरि माल ताल स्वः वनी, घरिघरि पसल्य् च्वनी ।
साहिलाया कलाः बांमलाः धकाः नुगः मच्वं, ह्निच्छि
उखें थुखें त्वना जुइ । काइलाया अछ हे व्वने मगाःनि ।
न्ह्याब्लें फेल - न्ह्याब्लें फेल । न्ह्याब्लें स्व- ग्वाः
ग्वाः मस्त जक । म्हाय्पि धाइ बिया छवये धुकूपि ।
तःधीह्वा म्हाय् ला जि स्वयाः न्ह्याःहे थ्व संसार
याउँसे च्वंक त्वःता वने धुकल । ग्वाः ग्वाः मस्त
जक त्वःताः । जिलाजं नं भचा चीमिह्वा लात ।
मस्तय् भचा दुःख का । ह्वापां लाः व जिलाजंयात
बी मखु धकाः दते जुयागु खः, तर केहेंभत छह्वा
मानेहे जूगु मखु । भिद्यः खलःत- साप व्यवहार सःपि
धकाः धिपि त्वःतूगुहे मखु । जि मचा छह्वा अथें
हे दुखं सिनावन । मेह्वा म्हाय् ज्ञानिथकु भिमफेडी ।
छुं हाल खबर स्यूगु मखु । ग्वःह्वा मस्त दत व नं
छुं स्यूगु मखु । अखुंहु जक तःधीह्वा छय्या व्याहाः
न्याः धकाः धाःगु । छु जुल थें, छु स्यूगु मखु ।
चीधीह्वा म्हाय् नं क्वसः बांलाक बी मफुगुलि तम्बयेकाः
वंह्वा वनं । छुयाये, बिया छवइवल्य् छें भचा स्पना-
च्वंगु पाः लात । बांलाक क्वसः तये मफुत । थ्व
कपूत काय्पिसं नं भचा हे ग्वाहालि याःगु मखु ।

साहिंलाया भौ नं गुलि चन्दालहा ला:गु । न्ह्याव्लें
 स्व कच्कच् कच्कच् । माहिंलाया भौ छहा जक
 भचा हेरविचा: या: व: । तर बफराया नं मचा
 छहाहे मदुगुलि मन खव: । रव, सुनां वास्ता
 याइ जित: । न्ह्याहा स्व, जि खना: घच्चा:पि जक ।
 वस: छजु नं यच्चुक पुने मखं । जिगु मिखां मछुइ
 धुंकल, तर नं मुलुइ सुका हना: परका जुइ मा: ।
 ... ओ ह, व छहा जक दुसां न गुलि अ:पुइगु
 । : तर व नं गुलि मत्यवं हे मन्त । थये कष्ट
 नयेगु हे चवया तल खनि । छुयाये दक्वं पूर्व जन्मया
 हे फल का ।

“बाज्या, जा न: वा हँ ।” नां नं मस्यू जि
 थ्व छय्यागु । न्ह्याव्लें थ्वहे छ्यनं नयेगु ई कं वइ ।
 मेपिनि ला वास्तारे मदु । छ्यनं तुतां ज्वंकल ।
 उफ् ! थ्व जँ न गुलि स्याये मा:गु । पयतुल कि
 दने मज्यू । दन कि पयतुइ । स्वाहानें क्वहां वने
 बलय् तुति पयारपयार खा: । कुतुं वनी धका: ह्यय्
 ज्यू मदु । जिवं ब्यूवल्य् जि थम्हं हे लिधंकागु
 स्वहाने थ्व, तर थ: हे थहां क्वहां जुइ थाकुल ।

... .. क्या याउँ साहुतय् । कपूतत ! अबुयात
 ह्लापां नकेगु गन गन, फां थें स्वाप्रा स्वाप्रा नइच्चन
 कपूतत । जि वल धका: अय्क छक: नं थस्वये मा:गु
 मदु । ... थ्व छु, जित: नकेगु जा ला ! जा
 छकू, के भचा— दुरु वागू गिलासं । साहुतय् ला
 वाय् थाक नयेगु, क:क:चा सियात:गु तरकारी ।
 जित: वा मदुहा धका: थय्क छना निता नायूगु दयेका

बी धैगु मदु । साहुत ख:, थुपि पूर्व जन्मया
 साहुत । ... थ्व छें ... थ्व छें जि दयेकागु ...
 जिगु हि -च:ति दयेकागु ... थुपि स्व, ... बुरा बुरा
 जुइ धुंकल ... त्व:धूगु धलि छपु हिले मफुनि थुमिसं ।
 अबुया गलखय् प्यंका: नइच्चपि साहुत । तोखाय्
 च्वंगु बुं छकू मदु सा ... नइका साप । व बुं नं
 जिगु च:ति कमे यानागु बुं तिनि । मुस्या पस: तथा:
 कमे यानागु छें बुं थ्व । तर स्व, जित: नकात:गु
 थुमिसं । य:सा छप्ये जा घिचे या, मय:सा छां
 लाना: सिना हँ । ... हिनय् फुकस्यां धयलय् सिया:
 छौं छौं बजि नइ, जित: सुयां अय्क न्यने धैगु
 मदु ।

खवि सुल्ल ज्वल । हेता:गु न्यतालय् वा: वल ।
 कथु हहतित । जाप्ये धुतके मफु । न्यालु ... थ्व
 जा न्यलु । जिगु कष्ट सुनां मथू तर । दुरु जक
 त्वना: दना । तं कुनुकुनु पिहां वल । जा भुइ
 प्वंका बिया, “कपूतत, जि सीगु पियाच्चपि कपूतत ।
 जुरु जुरु पला: छिना: कसी च्वंवना । कुने कपूत-
 तसें जित: छु धाल जुइ व जि थू । “बुरा जुया
 व:लिसे सिद्धि मदइ वल ” धाल जुइ का । धायेके
 व्यु -कला:या पसि फाइपि कपूतत ।

... .. उफ् ! जँ स्यात । तसकं हे जँ स्यात । जि
 सिना वंसां जिले । छाय् म्वानाच्चनागु जि थये ।
 मिखां मछुइ धुंकल, ह्याय्पनं मताये धुंकल । न्ह्याव्लें
 हा ख्वाउँ । चच्छि चच्छि न्ह्य: मवये धुंकल । याक:चा ।
 याक:चा म्वाना च्वनेमा: । ज्व:पि सुं मदये
 धुंकल । थौने तक तारेमाम छहा दुगु । व नं परलोक

सुधरे याना वन । साप भाग्यमानि । जि ? जि पापी । खः, जि पापी । श्व म्वाः म्वाकं नर्क भोगे यानाचवनागु खः, थयक दुःख सुखया खं ह्लायेपि सुं मन्त । ह्लिच्छि चच्छि याकःचा । पिहां नं वने मफुत । कःसि क्वथाय् । क्वथां कःसि । बस् ।

... .. बजां छकः त्वने मास्तिवल । तर सुनां यना बी । बजां त्वने मखंगु नं व मदुसां निसें हे धाःसां ज्यू । आः ला ह्वाचिलं हे गन गन वान्छवया बी धुकल जुइ । उखुन्ह नं नःकथिया सल दयेकाः छुइ ह्वाताच्वंगु खना । छकः हाला ...अःखः कन भौ नं 'मस्तय् ह्मिटे म्वाःला' धकाः हक्कल । जि साप यःगु नःकथि व- जर्नेल साबं बकस बिया हःगु ।

कःसि म्वलं निभाः पुल । चि चि धायावल । म्वलय् छवथां चखुं चात चिरिचिरि हालाच्वन । जि मचाबलय् निसें हे श्व कःसि म्वलय् चखुं चात साप जू वः । का ... का ... हय् ... हय् ... न्हावलं तिन्हया वःह्य हाकुह्य भति चखुं चा छह्य ज्वन । जि व्वःबिया । तेरे मयाः । जि दना वनाः ख्याः वने मफु । का स्व ... राम राम । अनसं चवनाः भति पा पुल । का का छंय म्वाराम्वारां न्ह्यल । हरे, जि दना वनाः भौचिया ह्वातुं चखुं चित त्वःतके मफुत । जिगुहे न्ह्यःने ... गयोगु हत्या स्वयेमाल । जि पापी ... खः जि पापी ।

उफ् ! कथु सुत । लः त्वने प्याःचाल । "अय् पूर्ण ... पूर्ण ... ! अय् पुन्चा ... अय् पुन्चा ।" सुनां हे 'हं' धाःगु मखु । सीवन सकलें छवकमनीपि । कपूतत !

कुलांगारत । उफ् ! गय् च्वं प्याःचाःगु । तुताम्हं चुया । तुति खात । क्वहां वने फइ मखु थें च्वं ग्व, व छय् छह्य नं गन ह्वाताच्वन जुइ । जि क्वहां वइच्वना । जि थःह्य हे थनागु स्वहानें क्वहां वइच्वना । स्वकः दी धुन । तर जि क्व म्थ्यनि । ○

कन्हय्

"निर्मल"

न्ह्यावलें सुथय् ह्याउं सूर्यः लुइ
ह्या उं निभाःयात पाचिनाः
मफु मफु ल्वीग सुथ निभाः पाःवइ
थस्सः पानाः व त्वर्गि
मनय् मन्तुनाया जाः थाइ -
'थथे याये
अथे याये ये'
योजनाया खोल दुने योजना वइ
फुस्तु क्रान्तिया सीबाजं थानाः !
सन्ध्यां सूर्यया कुंगःगुमुस्याः च्याकाः
पश्चिम दिपय् यंकाः बैत वाइ !
ह्लि, मत्यवं सित थौं
मांया हे प्वाथय्
कह्लय् कीसं ख्युं या प्वाः फायाः
अपरेशन याये
स्याफः जुल खइ थौंया ह्लि
कीसं कह्लय् थःगु हिया बालि लये ।

○

की लय्पौया हूःहूगु स्तम्भतयात च्वसु बियाः ग्वहालि याना दिसैं ।

छपा: किपा - वर्तमानया

केशर मान ताम्राकार

स्वये हे कुतुं वैथे च्वंगु कःसी च्वना: केशरी
भारा सिलाच्वंगु आ: हे मखुत । कःसि नं अपायसकं
तकूगु मखु । चिकं अप्पां सिया तःगु अयनं भुलिइ
भुलिइ ह्वः दये धुंकल । स्वये आ: हे कुतुं वैला
थे च्वं । केशरीयात जःलाखःलां स्वक्वः प्यक्वः धाये
धुंकल कःसी च्वना: भारा सिले मते धका: । धयां
छुयाये मेगु दुगु मखु । वहे छकू कःसि ! थगु
नुगलय् दरिद्रता न्ह्यथना: स्वंगः भारा सिला च्वंगु
अऊ सिधःगु मखुनि । व थःगु हे धुनय् ।

'यमा ... यःमा ...' धका: वया च्यादै दुहा
काय् हाला वःगु सलं व थारा न्हल । छाया छाया
धैथे जुल । मचा तलय् थ्यने धुंकल । मांहा छनेवं
कं न्यासि चाल । मचाया म्हुतुं पिज्वल 'यमा मरि !
यमा ... मरि ... !!' काय्या हर्ष जाःगु सलं केशरी
यात दिक्क याना बिल । छकलं छकलं केशरीया
ख्वा: खिउंसे च्वन । मनय् धौ बजि वाल । मरि
... मरि, गय्याना: काय्या इच्छायात पूर्वका बी थे
जुल । वैंत छुयाये छुयाये जुल । ख नं खः बुइका:
अपायधिक: याये धुंकल । च्यादै दये धुंकल, बांलाक
छकः धका: मरि नके फुगु मखुनि । छकः काय्यात
स्वल । ह्लाचः यागु हर्ष मद्दु वया ख्वालय् । केशरीं
काय्महेसिगु खं बांलाक थु हे मथूनि । छुं धायेत
वःहा काय्हा, आसं द्याःगु ख्वा: ज्याना: आस कया
हे च्वन तिति ।

'केशरी मय्जु ... केशरी मय्जु' कुने पाखें सः
थाहां वल । केशरीं कःसि छ्यं क्वछुना स्वल । निछे
खःमुलिसं ततःपागु मरि क्वबुया: दना च्वंहा ज्यापु ।
ज्यापु मरि बिइत दना च्वन । मरि खनेवं केशरीया
मनय् अन्तरद्वन्द जुल । मरि बिइहःगु ! उखुनु
अष्ट मले नापला:बल्य् मैया चिगु व्यवा: नं थुगुसी
हे याये त्यना धाःगु । अनं हे वःगु जुइमा: । मेथासं
वैगुला गनं नं मद्दु । बिइ त्यःपि मेपि दुगु नं मखु ।
केशरीयात थ्वयाये वयाये धाये मफुत । मरि गय्याना:
कायेगु ? मरि काल धायेवं क्वसः नं ततागु हे तयेमाली
भ्वय् जक जूसाला वने धायेका । क्वसः गय् याना:
तयेगु ? हानं ... , भ्वय् जक वनेत तिसा मद्दु, न
लं हे । काये मज्यू, लित हे बिया छ्वये माली ।
मत्ती खं वायेका: केशरी काय्यात न्ह्यः न्ह्यः तया:
क्वाहां वल । खापा चायेकल । खापा चायेके न्ह्यः
हे ज्यापुं मरि लिक्का: बिइत न्ह्यज्याना च्वने धुंकल ।
केशरीयात मरि काये ... मकाये, छुयाये छुयाये जुल ।
ह्लाचः बिचा: याःगु खं वं पिकाये मफुत । वैंत
इज्जतं पाकां सुया बिल । काये ... मकाये ! हानं
बाता जक मखु, छता हे । उकेसं पचित्ता ! मरि
नं गपाय् जक तागु । केशरीं काय्यात छकः स्वल ।
ख्वालय् ह्लिला भयव्यू । गज्याःगु इच्छा ! केशरीं
मरि काहे काल । मरि बिइह ह्व ज्यापुं केशरीया
पहः खना: अजू चाया: न्यन -

‘मयजुया म्हं मफु लाकि ?’

केशरी बिलः हिलाः जक बिल । ज्यापु खंमू
क्वबुयाः लिह्ना वन । मरि ज्वना च्वंहा केशरीया ह्लाः
खाः । वैत कयं तिया च्वने धुकल च्वास च्वास
क्वसः ... क्वसः धाघां । मचा गबलय् माम मरि
बिइ अले न्हाबलें थःत जिस्के यानाः मरि नयाच्वनिह्ना
रामसाहुया काय्या न्हाःने वनाः नः वने धैथें बिचाः ।
तर मांहा ... ! मरि ज्वनाः केशरी थाहां वल ।
ल्यू ल्यू मचा नं । तले थ्यनेवं केवरी मरि स्वस्वं
मत्ती खं ह्लकल थौं सिकं कन्हेया व्याः । थौं सिकं
कह्लय्, कह्लय् सिके कँस । गुलि जक तःजि याये
मासे वः खनी । धिबा दुपिनि ला छु । तर जि ।
हानं मरि गपाय्ता । स्व ... !’ मचा मरि स्वस्वं
ई चुलु चुलु वंकाच्वन । मरिइ कुति कुति न्याना
च्वन । केशरी मचाया पहः स्व स्वं थः थम्हं तुं
ह्लिल । सिथय् यागु मरि छकुचा त्वथुलाः मचायात
बिल । मरि ह्लाती लायेवं मचा ह्लिलाः कुनेलम ।
मानो थः हे त्यात अले प्रतिद्वन्द्व वुत । काय्या पहः
खनाः केशरी छकः कसुकाः तल । मरि अथें इष्टि-
वाकसया छःने तयाः लासाय् पयतुल । लासा खं खं
वैत गरखेसे च्वना वल । प्यथाय् न्याथाय् परकातःगु
परका तःसां इज्जतला म्बाना च्वंगु दनि व लासाय् ।
थःगु परिस्थिति लुमं लुमं वं नुगः काइइयां मिकल ।
वया मिखाय् वनेधुकूगु घटनात प्याखं जुयाः वल ।

नीदें ह्लापा भौमचा थ्व छेंया केशरी । तःमि
परिवारया छें ! मिजं आखः सः, भि, बांलाः धकाः
मां वौ लय् लय्ताः । दाजु नं उतालं लय्ताः,
केहें भि थाय् लात धकाः । तर मिजं भिनां छुयाये ।
माजु, बाःजु दाजुभत व पीभत उथें यापि ! छहा थे

छहा ! छपति हे जि पाखे मदु । जि खनकिला
छें छें धाइगु । आखीर इकागु छु दु । जि ला
छुं यानाथें मच्चं । मस्यु इमि मत्ति छु दु । अऊ
खःगुं मखुगुं खं न्हाथनाः माजुं वेश्या तकं धाल ।
अयन सह याना च्वना । सहः यायेगु सहश्र गुण
भाःपिना तर गुलि सहायात उलि हे छं क्वत्यला ह य
च्वन । तःधिकाःह्य म्हाय् बुलं स्वतक मस्वः । माःसा
याइ धकाः तामासा स्वया च्वन । बौम्हेसित धाःसा
सहःनि याना च्वं धकाः धाइ । थः थम्हं तुं स्टोभ
च्याकाः जा थुया नयेमाः । म्हाय् बुयाः निदं दुबलय्
व्यागलं च्वन । जिला थः थम्हं तुं अजू चाः । जितः
हे याउँसे च्वन । दुसा नल, मदुसा मनल । माजु
ब्वाःजुया धुकिला न्यने म्वाःल ।

छन्दु बौहा अहुं खते जुयाः मरसय् वन । जिगु
कर्म ... । वनाः ग्वःहु मदुवं मन्त धैगु सुचं वल ।
चिधिकाःह्य काय् प्वाथय् दु । छ्यागे छुयाये । वने
मते धकाः गनागु नं खः, छुयाये मानय् मजू । न कालं
साला काल न ... ! ख्वाः तकं स्वये मखं । म्हाय्यात
गज्याःगु यः, अयनं सी त्यंवेले ख्वाः तकं चूमलाः ।
अन हे काज क्रिया यात ह । जि थःत तुं दोष
बिया च्वना । सुनां तकं हःपाः विउवःगु मखु । दाजु
छकः वल । मां बौ ला ह्लापा हे प्यला मपाक
मन्त । आःतकं दुगु जूसा !

‘यमा ... ! यमा छु याना च्वनागु ?’

म्हाय् कल्पनाया सःलं केशरी थारा न्हल । वैत
सःतूगु धैथें च्वनाः ‘हं’ धकाः लिसः बिल । मांम्हेसिया
पहः खनाः कल्पना छकलं ग्यात । न्हाःनेसं तया
तःगु लाखामरि खनेवं इहिपा लुमंकल । ल्यासे जुइ
धुकल, अयनं पासां मलूनि । थःगु खं थःके तुं सुचुकाः

हानं न्हसः लत -

‘मां, हामुख मदुलाकि ? मरि गनं बिइ हःगु ?

‘जिमि पाजुया म्हाय बिया छवइगुया मरिका’ थुलि धयाः ऊयाः पाखे मिखा ब्वयाः हानं नवात
‘द्यः नं छिउंसे च्वने धुंकल, जा नि थू हूँ । जाकि दुला स्व । कपाः स्याना च्वन, दःला मयल छिमित जक थु’ । तले वने त्यंह म्हाय्या ह्लाती पाछे खनेवं हानं केशरीं नवात -

‘आम पाछे गन कया हयागु’ ?

‘अं ... मिनाचा पिन्थाय् कयव्य ! मिनाचां बिया हःगु ।’ ग्या ग्यां धाल ।

मिनाचिया नां न्यने मात्रं केशरीं तं पिकाल । अयनं वाक्कुछिनाः सम्फे यायेथे म्हाय्म्हेसित धाल ‘स्व मै, जि छत्त ग्वःकः धायेगु मिनाचापिन्थाय् वने मते धकाः । जि छत्त खःगु लै कयना च्वनागु खः ।’ मांम्हेसिया खँ धवा मथुयाः कल्पनां न्यन, चिसलं ‘मखु मां’ छाय् मिनाचापिन्थाय् वने मते धयागु । मिनाचां कीत छु स्यंकूगु दु । बरु गबले छु, गबले छु बिया हया च्वन । बरु आवंनिसे वने मते धाःसा वने मखु ।’ थुलि धयाः कल्पना थाहां वन । वया मनय् धौ वजि वाः थः मांया खँ न्यनाः । वं थुइकल वने मते धाःगुया रहस्य । मिनाचिया दाजु दुगुलि । मखु, मिनाचिया दाजु भि, बांलाः, गज्याःगु मतिना याः जितः । जिपि निम्हं छह्य हे जुइतिनि । मतिना पाप हं ! अयसा छु, जिमि मामं दः बांलाक बिया छ्वये फँगुला ? फेमखु ... , उके मतिना गथः यायेमाः । मेपिन्त स्यंकल धायेवं जितः स्यंकी मखु वं, गबलेसं । मत्ती खँ लुइकु लुइकु जाकि सिलेगु मत्ती तल ।

कुने मांहा थःगु हे धुनय् - त्यासेह्य म्हाय्, अले थःगु आर्थिक अवस्था । म्हाय् स्यनी धकाः व तसकं ग्याः । इज्जत खनाः व चेत । मिनाचिया दाजु मभि धकाः केशरीं ह्लापां मिसे स्यू । उके थः म्हाय् इमिथाय् ह्वये मयःगु । तर कल्पना । बिचाः विचालं न्ह्यः वःगु हे मचाल केशरीं ।

थौं धाधां कल्लय् धाधां, थौं उखुनु मरि काःगु थासय् भव्य । क्वसः बिइमाःगु भव्य ! ब्वनापौ बिइके बिइके हये धुंक, जोछि वा धकाः । गय् यानाः क्वसः तयेगु, गय्यानाः भव्य वनेगु । न तिसा, न वसः । थःगु बाखं के कं दःया न्ह्यःने च्वनाः केशरीं खबि हायेका च्वन । अयनं दवं मिखा कंगु मखु । अनयास केशरीया मिखा लुँयाह्य थःम्हं पुज्याना तःह्य दःयाके लात । वया मत्ती अने तनेगु खँ लुल । थौं कल्लय् दः मिइगु चलन ! दः मियाः सेंठ जृपि बङ्गलाका बङ्गाला दना च्वपि वया मिखाय् प्याखं लू वल । नयेत मदुह्य मनू, थौं काजी जुया च्वंगु । वैगु मनं धाल ‘खः खः आःबलय् थ्व दः ज्वनाः मिउ हूँ, छंगु दुःख दक्क फाला वनी । ह्लापा यागु थासय् वये दै । म्हाय्या इहिपा बांलाक याये दै हानं वैत छखे धालः - थःम्हं पुज्याना तःह्य दः मियाः तःमि जुइत स्वइह्य । धिकार छंगु बुद्धि ।’ वादि प्रतिवादि घोर धमासानं लवात । आखीरय् वं दः मिइगु हे उजं यात । ह्लाः थरथर खाकाः आसनय् च्वंह्य दःयात ज्वन । मनं मबिउ, अयनं ... ! दः तसकं तःधिकः मज्गुलिं जनिखय् चिनाः क्वसः न्याना वये धकाः धयाः पिहां वन । क्वसः न्याः वनेगु धायेवं कल्पना पक्क जुल । ह्मिगः तले धिबा छगः सदु, थौं क्वसः न्याःवनेगु ! शंकां थाय् काल ।

केशरी लैय् ध्यन । वैंत छुयाये छुयाये । द्यः
गबलें मी नंहा मखु । द्यः जनिखय् दु, तर गन मिइगु ?
वं सिइगु नं गनं । अऊ मिजं मखु, मिसा मखा ।
व द्यः व्वया त.गु छगू क्यूरियो पसलय् दुहां वन ।
दुहांला वन, तर खँ पिज्वये मफु अथें ठिङ्ग दनाचवन
ग्याः चिकु पहलं । सुनानं खंसा वैंत छुधाइ का !
अथें सुम्क त्वालां स्वया च्वंहा केशरी याके पसलें
न्यन 'छितः छु मालथें ?'

'अं ... अं ! खँ पिज्वये मफु । केशरीया पहः
स्वयाः खगुहा पसलें हानं धाल 'छु' मिइगु दुसा
धैदिसं !' मिइगु धैगु खँ पसलें पिकायेवं केशरीं भचा
सासः थकाल । वं थःके जैय् च्वंगु द्यः पिकायेत उसि
उसि सन । बल्लं द्यः पिकाल । ह्यासुसे च्वंहा द्यः
खनेवं पसलें मिखा तग्वः यात । ज्या खँ जुल । तर
तर पूवने मलाःनि निहा मनुत गनं वः गनं, वया
खतं ज्वन । केशरीयात नं ज्वन, नापं पसलेयात नं
निम्हेसितं यंकल पुलिसतय् ज्याकुथी । केशरीयात
केरकार यात पुलांहा द्यः ज्वना वःगुलि । वंला थःगु
सत्यता उल 'थ्व जिमिगु हे द्यः, नये मखन, ववसः
मबिसे मगात, अकें थ्व हे मियाः तरे याये धकाः
ज्वना वैगु' । केशरीया खँ इपि गन पत्याःजू धकाः ।
खँ पिकायेत सास्ति यात । तर असत्य खँ गनं पिहां
वै । खः मधातले कुना तयेगु उनं जुल । नापं द्यः
सरकारया ववसः जुल ।

ववसः न्याना वये धकाः वंहा मांहा आतलें मवः
गुलि न्ह्याय्म्हेसिया धन्दा कया च्वन । ख नं खः
लिवाये धुकल । द्यः छिउँ लिसे नुगः भारा भारा
मिना वल । वलला धकाः गबलें ऊयाः पाखे मिखा
ऊ, गबलें दना च्वंहा किजा पाखे । व सुम्क च्वंगु

हे मखु । गबलें थुखे, गबलें उखे । अयनं मांहा
मवः ।

मांहा उखे काय् व न्ह्याय् लुमंकु लुमंकु नुगः
मछिका च्वन । लुमं लिसे छुयाये छुयाये जुल । हः
हः पनाः वल । वैंत थः पाजुपिसं छुधाइ धैथें च्वन
मरि काः बलय् ह्लिलाः ह्लिलाः काल, ववसः बिइ
बलय् मवः मधाइला का । थःगु इज्जत खँ खँ हिमि
चाल । छकः हि हि लन मिखां ख्वबि तिकि नन ।
न्ह्याय् छकः लुमंकल अले मिनाचिया दाजु । वया
नुगः काइइया मिन । छकः मू हाल । द्यनेत स्वल
गनं द्यनेफड । छखें हा स्याःगु, मू पुले नं मछि
पयतुइ नं मछि । बिचाः बिचालय् कुके जुया च्वन ।

द्यः नलं खने दत । अयनं न्ह्याय्म्हेसिया न्ह्याः
वःगु मखुनि । छवाः नं स्वये हे गरखेसे च्वं । सँ
जिग्रिङ्ग, भाःत सिइहा मिसा थें । किजाम्हेस्यां तु
तुं न्यना च्वन 'मां गबले वइतता' धा धां । लिमः
सिर्फ 'वइ वइ' जक मवः । ऊयालय् च्वंहा ऊयालय्
तुं । मजिल द्यः त्वइसे च्वने धुकल धैगु मत्ती
तयाः किजाम्हेसित अथें तयाः वसि वँ पू वल । छेलि,
मातं, च्वत, वँगः, द्यःकुथि । द्यःकुथी वँ पुया च्वंहा
कल्पनाया मिखा द्यः मदुगु आसनय् लात । वं खः
मखु धाये मफुत । त्वालां स्वयाच्वन तुफि वँय्
कुतु वंगु वं मचाल । वैगु न्ह्यपुइ ह्यिगः वया मामं
धाःगु खँवःत चाकःलि पां पां ह्यितल । धाथें वया
मामं यंकूगु खैला थें । मामं अथे याइ धैगु वं मताः ।
तर थ्व छु ? वं थ्व व हे धाये मफुत । सिर्फ
त्वालां जक स्वया च्वन — द्यः मदुगु आसनय् ।

थःत दयेकेगु पलाखय्

मंगलदेवी स्थापित

सिक्क वा वयाच्चन, दिपाः हे मदयेक । सर्गतय् भुनाच्चंगु सुपांय् नं आः चिलावनी थें, अलय् चिलावनी थें, चिलाहे वंगु मखु । स्वयेहे ग्यानापुसे-च्वंक नं न्यानाच्चन । चुकय् मुनाच्चंगु लख्य बुलुबुलु थहां वयाच्चंगु लःप्वःचात स्वयाच्चंह्य ताराबीरं फुसुकाः तयाच्चन, छपाः कयालय् च्वनाः ।

चिकिचाकूगु क्वथाय् छपाः सुकू व उकिया छःने छपु सतरंजा । सतरंजाया छःने छपाः लासा । अले लासाया लिक्कसं छगः खैथल । तज्यानाः भू भू सीदयाच्चंगु अंगलय् छपाः निपाः किपा, किपाया क्वसं छगः बाकसचा । अले उकी छगः निगः वासःसिसि । बस् थुलिहे छः वयागु क्वथाया समाः धाःसां छायेपा धाःसां ।

कयालं पिने त्वलय्चायाः स्वयाच्चंह्य ताराबीरया थुसु थुसु मुसु वल । मुसु वयेवं ख्वाः नं च्यानावल बीत्यंगु निभाः थें ह्याउँसेच्वंक । ह्यातं ख्वाः त्वपुयाः लासाया लिक्कसंच्वंगु खैथल काल । अले खै ल्हत । हाकनं व कयालय्हे च्वंवन । कै तज्याये थें तज्या-नाच्चंगु लःप्वःचां वयात सालातल भतिचा । तग्वःगु, चिग्वःगु लःप्वःचात पर्वंगाइ तज्याइ स्वस्वहे न्ह्याडपुसे च्वंवन । अयसां व ग्यात । अले ग्या ग्यां व लासाय्तुं ग्वारातुला छ्वत । छकः ताःहाकयेक सासः ह्यात ।

मिखा तिसिनाः चनेत्यह्य ताराबीरया हानं मुसु

वल, ह्व ह्व पुइक । छक्कलं नुगःपा नं स्याना वल । अले छपा ह्याः नुगःपाय् तयाः मेगु ह्यातं खैथल कयाः वं खै ल्हत । हाकनं व ग्वारातुलेत स्वत । तर वयाच्चंगु मुसु वयात ग्वारातुइके मव्यू । ऊन जक भव्यभ्वय्कंक मुसु वल । हानं दन । खैथल काल, खै ल्हत । खैया नापं वं खन - छपातः ह्याउँगु हि । व थारान्हल छकः, सात्तवंहा थें । थुसुथुसु मुसु वयांतुं च्वन ।

“बाबु ! धयागु खँ न्यनीह्य मखु छ । ख्वाउँगु फसय् च्वनेमते धयागु ला ... ऊन जक ताऊतवक कयालय् च्वंच्वनी । छु धाये ! ग्व ... ?” दिक्क चाःगु सलं वया मां लुखाय् दंवल ।

“मखु मां ! मुसुवःगु मखु, सत्य ! थन कथुइ छु छु थाःगु थें च्वंगुलि, जिहे मुसु तयागु । आः मुसु वइमखु । धात्थें वइमखुत मां ।” ताराबीरं थःगु ह्याउँ पालुगु ख्वाः सुचुकल ।

धात्थें मांया सुपाचं भूनाच्चंगु ख्वाःपाःया न्ह्याःने वं गबलेहे खःगु खँ मह्लाः । न्ह्याबलें मखु मखुगु खँ जक ह्याइगु । बाध्यतां हे वयात वया मांया न्ह्याःने मखुगु खँ ह्याकीगु ।

मांहा फुसुकाः ततं तीजक तलय् थहांवन । लुखाय् सखनेवं फुसस लुमन वया, थः मांया ख्वाः । अले स्वदै न्ह्यः थः किगू तगिनं पास जूबलय् लय्तातां मांमहं वयात घयपुपु, धाःगु नं लुमन छगः छगः

आखः गवत — “बाबु तारा ! स्यूला छ ? थौं जिगु गुलिमझि पुलांगु हागन पूवन । आः जितः तस्सकं बिस्वास दयेधुं कल — कीगु भाग्यय् नं सुज छः लुल । ख नं खः थव संसार कुमाः या घः चाः खः । थन दुखया ल्यू ल्यू सुख नं मवइ मखु ।

ताराबीर याकः काय्-बुरिहा मांया क्यबया छपवः स्वां । ताराबीरं काचाकाचां सासः ह्लात । हाकनं थःत कयाः विचाः यात — स्वरदं ह्लापा, जब वं किगु तर्गि पास यात । खः उवलय् गुलि वयात सेखं ज्वरं हीमही चायेकल ... गुलि लागिमिगि चायेकल ... न्हाबलें ह्लायाः हप्प तिताच्चनी, मिखाय् नं जालि भुने धें खर्वि भुनाच्चनीगु, छुं खनीगु मखु । छुं ह्लि लितानिसें ल्हवे न शु । आं निसें ज्वरं मत्वःतू । नुःगःपा नं स्याइगु । लुमंकु लुमंकु हे वं मिखा तिसित । छायाः सा, वं स्यू — वया मांया क्यबया स्वां ऊवाः मजुइ मखु । उफ् ... वयात लुमंके तक्क नं मयेल, अः मांया भविष्य गुली खुंसे चवनावनी आः ... ? किछांमिछां हे दनी । छायाः सा, ह्लियाह्लियं स्यंस्यं वनाच्चंगु थःपिनिगु आधिक संकटयात वं छुं बी फेमखुत ... अले बहः लानाच्चंगु थःगु छें नं लिफयाना काये फइमखु ... लिफयाना काये फइगु नं गथे वं थःगु छें यात ... ? जब कि वया छुं लजगाः हे मडुनि । आखिर लजगाः नं दये थाकु, छहा टि. बि. या ल्वगियात ? वयात हानं मुमु वल ।

वं तापसच्चंगु बाकसया छःनेच्चंगु तम्बःगु सिसि कयाः छगु चम्चा वासः त्वन । अले ताहाः सासः ह्लात । तलय् बइगलय् मांहा न्यासि वनाच्चंगु सः ताये दयाच्चन, मिरि मिरि मिक् । ताराबीरं छकः

कसुकाः तल ।

व वय् थें हे जुइधुं कल । ह्लियाह्लियं दिक्क । वयागु जीवनय् तसकं भवखाय् ब्वल । छायाः सा वं थः मांया न्हःने थःगु अवस्थायात खः खः कथं न्ह्यब्वये मफु । मांया न्ह्याइपुसेच्चंगु हागसया तखागु छें यात थुने मास्तेमवः । तर ... छु याये ! मास्तेमवः सां दुनावनी छायाः सा, व मनूहे मख्या बी धुं कुगु दु ।

ताराबीर याकः चा हालाच्चनी गबलें गबलें अर्थे अर्थे हे — “गथे धाये मां छन्त जि, जिगुपाखें छुं जुड फें धयागु विचाः तक्क नं यायेमजे धकाः । हि ल्ह-ल्ह्वे आकाकां सी याहा छहा टि. बि. या ल्वगि छुं यायेफैगु नं गथे ?”

ताराबीर बुलुहुं दन, क्यथाया उखेंथुखें चाःहिल । थःगु मिखायात नं वं क्यथाया न्यंक छकः चाकालि स्वयाच्चंगु वयागु मिखा वया बीया किपाय वनाः तक्क दित । ह्लिलासूदंगु थः बीया किपा नं खवया-च्चंगु खन ताराबीरं । वं स्यू — वया अबुया नं वहे हागस ... वहे कल्पना ।

व दि वंगु बांलाक लुमंका तःगु दु — गुखुहु थः बीलिसे डाक्टरया क्लिनिकय् वन । खः उवलय् हे खः म्हुतु प्यखुलाः लिपा डाक्टरं मयः मयः न्ह्युन्ह्युं धाःगु — “धन्दा कयादीम्नाः वासः याये, इन्जेक्सन बीके ... गज्याःगु गज्याःगु ल्वय् ला लं धासेलि ...”

तर व भ्वाभःगु सान्त्वनां वयागु ल्वय्यात कबलाके मफुत । वासः नयाः लनीगु ल्वय् खः सा ला निर्द ह्लापाहे लनेमाःगु खः — थव खँ वं बांलाक थू । वं स्यू — आः वया म्वायेगु लँपु केवल छपुहे जक दनि, — अफरेशन !

“जिगु म्वायेगु लँपु अपरेशन जक ल्यं दनि ।”

स्वाभिमानी म्हपूजा

राजोपाध्याय, खवप

‘हपूजा’ नेपाःमितय्गु छगू खुसियालि पर्व खः । हपूजा छगू नेपाःमितय्गु मसिसें भवानाचवंगु इतिहास खः । हपूजा छगू नेपाःमितय्गु राष्ट्रिय चिं खः । खास हपूजाया मू स्वापू सम्बत लिसे खः ।

‘हपूजा’ म्हगु सम्बत दुगु लय्तासं जू वःगु छगू ग्वसाः खः । वहे लय्ताः ग्वसाः राष्ट्रिय पर्व जुयावन । थौं तक नं हपूजा जुयाः धिसि मिसि

वैय् थें जुयाः छन्हु वं थः मां बौपिनि ल्हाने थःगु ब्यथा उत्राक्यन । तर मांबौया मिखाय् छवबि खने वं च सुम्कचवन । मयः मयः नं वं थः मांबौपिनिगु खँ न्यनाचवन, कसुकाः ततं —“बाबु ! डाक्टर धयापि तस्सकं मभिं । छपु मुलुं सीपिं इपिं । मेगु यगु धा जिमित बाबु । थव छता धायेमते ।”

जुरुक्क दनाः तारावीर हानं कयालय् पयतू वन । तज्यानाचवंगु लःवःचां वयात वयागु जीवनया धवर्गीगु लँपुत लुमंका बिल । वयात ह्य छम्हं मुलुं जक तियातःथें चवन । ल्वःमंकां नं ल्वःमंके मफुत वं थःगु हीन जीवनया भविष्ययात । व लागिमिगि चाल, हीमही चाल, घालय् धवइथें माया याताचवपि मां बौ खनाः ।

“बुइकुसैलि जितः भ्वाये सयेकेत खुकुरी बी फयेके माः इमिसँ । बौनं काय्यात माया यायेगु मखु, ल्वःमंकाः स्याये फयेके माः । मासं मतिनां छवबि हायेकाः पाचिनेगु मखु, गःपः भ्वेहिलाः स्याये फयेके

दंक दना चवन । थव ल्वःमंकां ल्वःमंके मफेगु ग्वसाः खः । सुनां स्यानां स्याये मफेगु जन जीवनय् दुबी धुंकुगु पर्व खः ।

‘हपूजा’ सम्बत शुरू जूबलय्या नेपाःमित गुलि मिलेयागे सः धयागु सम्भ्यतां बिलि बिलि जाःगु सूचं खः ।

‘हपूजा’ सम्बत ग्वसाः ग्वःपि नेपाःमित थः थःगु

माः । जितः इमिसं ‘बाबु तारा !’ धकाः धाये ल्वःमंकाः, छवलय् जितः अपरेशन याके ब्यूगु जूसा गुलि ज्यूगु । तर अथे सयाः इमिसं वस् जि बिषयात नं अमृत धकाः त्वने धुंशु दु । आः ला थव अमृत थें ज्याःगु वासः खनाः नं घञ्चाये धुंकल । जि थःत थम्हं हे दयेके माःगु दु ।” तारां ह्लाः म्हू चिनाः वाक्कुछित ।

पिने वा अर्थेतुं वया हे चवन तिति । दिपाः हे मदयेक नं न्यानाचवन, ग्यानापुसे च्वंक । अयूनं तारां काचाकाचां लाकां न्ह्यात । वयागु मनं वहे अपरेशन क्वथा’ या लुखाय् ध्याध्या याताचवचवन । धात्थें गुलि फत उलि याकनं थ्यंकः वनेगु बिचाः वयाचवन ।

हुइइयां हुइइयांमिक वयाचवंगु धाकुफय् अले इपःमपः कंक वयाचवंगु वायात वास्ताहे मयासँ, फसं ध्वानायंकूहा थें पिब्वाना वन — वहे अपरेशन क्वथा पासे ।



जन्मलि छगू जक वैबलय् हे खेय् सगं कयाः जन्मलि न्यायेकीपि । थःगु जन्मलि हे खेय् सगं कयाः न्यायेकीपिसं देया दक्वः मनु ऋणं मुक्त याना ब्यूगु दिया लसतोय् गथे सुकं चवने फइ ? सुकं चवने फइ हे मखु । थ्व, छहा निहा मनुया लसता मखु । थ्व सम्पूर्ण नेपाःमितय्गु लसता खः । सम्पूर्ण नेपाःमितय्गु लसता जूगुलि मिसा मिजं छेया फुकं पारेवार चवनाः खेय् सगं कयाः न्यायेकीगु हापूजा खः । आर्थिक ऋणं मुक्त ज्वीगु धयागु हाचा जक लय्ताया खे मखु । कय् कुना च्वंगु छाति चकनीगु खे खः । धाथे धायेगु खःसा स्वतन्त्र ज्वीगु खः । ऋणय् दुव्यूहा सन्तानयात सिमा क्वय् हे बाय् दै मखु धयागु धापू तापं दु । थुलित सुला ज्वी मालीगु जीवन खः ऋणय् दुव्यूगु जीवन । अजाःगु ऋणी जीवनं दक्व नेपाःमित मुक्त जुयाः स्वतन्त्र जूगु दिया लुमंति मिति छ्वये अवश्य सभ्यपि मनूतय्त यइ हे मखु अकि, राष्ट्रिय पर्वया रूपय् स्थायीत्व बियाः म्वाका तःगु ज्वीमाः ।

‘हापूजा’ सुनांनं अथे बियाः कया तःगु मखु । सुं व्यक्तिया नामय् चले जूगु पर्व थ्व मखु । हाति हाति ययेकाः याना च्वंगु हापूजा खः । सुं छहा व्यक्ति जक ऋणं मुक्त जूगु मखसे सम्पूर्ण अबलेया नेपाःमित मुक्त जूगु दि जूगुलि सम्पूर्ण नेपाःमिया ययेक याना वया च्वंगु हापूजा खः । ऋणं मुक्त गबलय् जूगु धकाः सिइकेगु सम्बत गुलि दत धकाः खः । मुक्त जूगु दि कार्तिक शुक्ल परेवा खः । थौं, ऋणं मुक्त जूगु १०९७ दै दत ।

‘हापूजा’ १०९७ कः याये धुनां नं ब्याक्क राष्ट्रियकीयात घय्पुइ मफेगु खे अजुगतिगु खः । धाथे

छगू अजुगतिगु खे मेगु नं दु । व खः, हापूजा याना जूःपि नेपाःमितसे हे नं थथे जुयाः थ्व न्यायेका वःगु खः धयागु आपाःसिनं मस्युनि । थ्व जिगु थःगु हे अनुभवं थ्वीकागु खे खः । बुद्धिजीवि वर्गय् हे जक थ्व थ्यना च्वंगु थे जि ताः । थ्व छगू प्रचारया कमि खः धकाः अवश्य वाःचायेके माः । थौं कीगु प्रचार थ्व गुलि जुया च्वंगु खः उलि अवश्य मचाः थे च्वं वः । नेवाःतय्गु दथ्वी हे जक थ्व लाना च्वं थे जि ताः । भिगु ज्या व भिगु खे मयेकीपि मनु, मनु ज्वी फे हे मखु । वेय्तसे जक मयेकी । भि धायेके यःपिसं बेय् धायेके यइ हे मखु । नेपाल सम्बत नेवाःतय्गु जक मखु सम्पूर्ण नेपाःमितय्गु खः । व दकलय् क्वातुगु स्वापू नेपाःया नेपाल सम्बत लिसे खः धकाः जि थःम्हं हे नं बांलाक मथुयानि मथूगु इलय् हे क्षेत्र बहादुर कायस्थजुया “नेपाल सम्बत छगू विवेचना” धयागु सफू पिहां वःबलय् जितः अक्वः वः व्यर्थे च्वन । थ्व सफू स्वयाःलि जि थम्हं हे मेपि भाषा - भाषीत लिसे खे ल्हाना स्वया बलय् अपि नं तस्सकं लय्ताल । मथूगु व मस्युगु खे सिइके थुइके दसेलि लय् ताइगु स्वाभाविक हे जुल । लय् ताल धकाः अमिसं नाला काइ धकाः जि धाये मफु छायेले धाःसा संस्कार धयागु छगू बचनं हुया छ्वये फेगु विषय मखु । थ्वला थःगु विवेकं स्वयेगु विषय खः । थःगु राष्ट्रियताया आधारय् स्वयेगु विषय खः । राष्ट्रियता धयागु दुसुना वने फुगुयात धाये मखु । राष्ट्रियता धयागु स्यना वने फुगुयात धाये फे मखु । राष्ट्रियता धयागु मेगुली छ्यले फेगुयात धाये फे मखु । राष्ट्रियता धयागु सुनांनं ब्यूगुयात धाये फे मखु । राष्ट्रियता धयागु सुनांनं कक्कु ज्वनाः माने

याके वी वं जूगुयात धाये फै मखु । धार्थे राष्ट्रियता धयागु नेपाल सम्बत थजःगु यात हे जक धाये फै । राष्ट्रियता थजःगु गौरव दुगु नेपालया उन्नति ह्याय् मजुल धयागु न्ह्यसः थुथाय्के दं वै ।

‘ह्यपूजा’ यानाः नेपाल सम्बतया लसता न्यायेकूपि अबलेया नेपाःमितसें क्वथिइक स्वयेगु विचाः याः थें जिं मताः । अबलेया नेपाःमितय्गु विश्वास तान्त्रिक-ताय् खः । गुकिया दसु थौं तक्क नं ह्यपूजा यायेगु बिधिखे पुदंका दनि । गथेकि की ह्यपूजा यायेत मंदः दयेकेमाः । मंदः धयागु आत्माया रुप सालाः न्ह्यःने तये हःगु हँ । थ्व तान्त्रिक कथं खः । मेमेगु नं अथे हे खः । गथेकि की तःसि गबलें हे पूमज्वीगु फल हँ । तःसि थें हे की मनू नं गबलें पूमज्वी मा हँ । स्यांगुलि मदयेकं हे मगाः स्यांगुलि सिमाय् आपलं आपाःहे सैगु फल खः । स्यांगुलि थें हे की नं आपलं आपाः दयेफये मा धाःगु हँ । ख्वःसि मद-यक हे मगाः । ख्वःसि फिनाः माः मबुइगु फल जूगुलि की गबलें हे माः मबुइमा धाःगु । जजं क्वखा क्वमखासे हे मगाः थकीं भुत प्रेतं थिइ मफयेमा धाःगु हँ । ताहाःगु इताः मत मच्याकुसें हे मगाः । थकि न्ह्यार्थे जाःगु बिघ्न बाधा नं अग्नि भश्म याये मा धाःगु हँ । थूगु कथं कायेबलय् तान्त्रिक मतं त्वपुया तःगु धकाः तप्यंक खने मदु गथे धाये फै ? अकिं, अबलेयापि मनूत तान्त्रिकताय् विश्वास कया चर्चा जूगुलि तप्यंक सिबाय् स्वये सःपि मखु । गुकिया फल नेपाःया बिकास ज्वी मफुत । आर्थिक स्वतन्त्रतां जक देश बिकास मजू धयागु थ्व घटनां बांलाक प्रमाणित याः । खास देशया बिकास राजनैतिक स्वतन्त्रतां जक ज्वी फै धयागु ग्यसुलंगु दसि थकिं कयं । अबलेया नेपाःमितसें राजनैतिक कथं स्वथे

मसः धयागु ग्यसुलंगु दसि थ्व खः । भौतिक साध-नयात तान्त्रिक रुपय् छ्यलेगु वानि हे अबलेया विशेषता खः धयागु ह्यपूजाया विधि दुयंगु दसि खः । तान्त्रिक विश्वासय् मच्चसें राजनैतिक विश्वासय् च्वंगु जूसा थःगु राष्ट्रियता प्रति राणा र सरकार चंद्र शमशेरं हेप्पय् यानाः सम्बतं देशयात मेपनिगु उपनिवेश अवश्य याये फै हे मखु । उपनिवेश देश थाहां वै मखु धकाः राजनीति स्पनीगु बिपय खः । राजनीति वैगु आर्थिक स्वतन्त्रताया राष्ट्रियता हे बल्लाःगु व क्वातुगु तुति खः । बिना राष्ट्रियतां थः-गु तुति थः दने फै मखु । राष्ट्रियता म्वाकेगु धयागु हे थःगु तुती थः दनेगु खः । कतःया तुती दनाः थः न्यासि वने सइमखु । थः हे न्यासि मवसें आजु कयां स्वाभिमानि ज्वी फैमखु । स्वाभिमानि मजूगु राष्ट्रियता छ्यंगु कोथाय् च्वनाः सुचिकाः ज्या यायेथें खः । स्वाभिमानि मज्वीकेया लागि हे राष्ट्रिय स्वतन्त्रता लाकेगु ज्या याइगु खः अकिं, स्वाभिमानि मनुष्य जाति थ्व गबलें हे सह याये मफैगु बिपय खः । खास स्वाभिमान राष्ट्रियताया आधारय् च्वनी । राष्ट्रियता मम्वायेकं स्वाभिमान जक म्वानाः बिकास दै हे मखु । ह्याः तुति मदुगु ह्य ग्वारां छुं हे श्रम याये फै मखु । बिना श्रमं उत्पादन ज्वी फै हे मखु । उत्पादन हे मदुसा बिकास ला दै हे मखुत । बिकास मदुगु जीवन म्वाकं सिक खः । स्वाभिमानि ह्यपूजा या बारे जि नकतिनि थूम्हं धथे खथे छिक पिसें ला दक्कले ग्यसुलंक खनी धयागु भाः प्यु प्युं हानं छकः म्वाकं सिक ज्वी सुयां यइ मखु धयागु न्ह्यथनाः ‘स्वाभामानि ह्यपूजा’ यात दुनुगलं निसें भितुना ! ○

डेय्थ भाय्ली जनबलया भूमिका

उद्धव मास्के

लक्ष्य कथंया सुथ ला अऊ नं भतिचा तापाःनि ।
 "सकलें दँ - सकलें दँ" घकाः खा महायेकं सुथ
 जुइमखु धैगु खँ इलं यक्वं हे लिपा जूसां नं जनतां
 सीधुं कुगु खँ छः । खा नकतिनि जक हाल तर सुथय
 मजूनि । नसंफःगु चा फमपूनि । चा अत्यारि जुयाः
 कल्लया लँपुइ पंगलः जुयाः ग्रिकि दना च्वन तिनि ।
 न्ह्याये माःगु ईया इतिहास मन्ह्यापें लिक्क जुयाच्वन
 तिनि । उकि थन चां क्वत्यला तल । उकिप्रनं गुं
 जूगुलि थयभनं छुं कि - लँ दापा जुइगु भय दु ।
 स्याःचाःपि हाःयें त्वाःप्वाःहे मदिकक किरिररर किरि-
 ररर यानाः गुंवीत हालाच्वन । भ्याः भति हे फय्
 मसंगुलि सिमात फितिकक हे मसंसे मनु स्याना मनइपि
 लाखय् - लसितथे प्रतीत जुइक दनाच्वन । गोलिला
 चले जुया हे च्वंगु दु । मदिकक गोलि चलेजुइगुला
 श्व थाय्या विशेषता हे जुल । अले गोलि लाःह
 मनू चिल्लाय् दनिगु गोलिया प्रतिक्रियात्मक लिसः खः ।
 थनया फय्या अणु अणु पतिकं बारूदया गन्ध दु ।
 बारूदया गन्ध मनूतय्त मति उकि थन सासः फीत
 तकं थोर्कु । स्वःस्वःथाय् कालया पोस्व दु । पलाः
 पलाः पतिकं मसां नवः ।

श्व थाय्या नां खः Death valley । श्वया
 अर्थ खः - मृत्युया मां । थन च्वक्क मनतय्गु
 जीवन अशुरक्षित । इमिगु पलाः पलाः पतिकं काल
 ल्यु ल्यु वइच्वंगु दु । पलाः छपलाः जक व्दंसा नं

कालं नुनिगु भय दु । उकि थुजाःगु ग्यानापुगु थाय्-
 यात Death valley घकाः नां छुकुगु जुइमाः ।
 मनूत मुल्याहा । काल खनाः नं मग्यासैं निखलः
 मनूत थन दत्तेहे जुयाच्वन । इमित थःयःगु काल
 स्वयाः नं शत्रुया अप्पः चिवा दु । इपि न्ह्याबलें
 छल्लकं मेगु छल्लःयात न्हंका द्वयेगुली चिउताः
 तइच्वनी । व निखलः मदयेव छल्लः सुलुप्य जुयाः
 म्वाना च्वंसा मेगु छल्लः सुलुप्यायात बाध्यतां थःगु
 हि त्वके बियाच्वपि । छल्लः तःमि जुयाः कावाः घका
 वइपि जूसा मेगु छल्लः आतापुति स्वतिकाः चिमि
 अले पर्वगि धायेकाः च्वपि । इलं छिपि, तरकं
 याउँ ताःपि अले तःमि जुया च्वपिसं उगु ईया
 व्यवस्थायात घय्सुनाः कागु जुइ, गुगु व्यवस्थां चिमि
 अले पर्वगि धायेका च्वपित सी नं मफयेकाः - म्वाये
 नं मफयेकाः विष हूला तइ, काका, बाबुचा याना
 तयेगु स्वइ, थःगु ह्लाःया दलपाँय् तयाः थः यत्थे
 प्याखं हुइकेगु स्वइ तर चेतनाशील मनूतय्त स्वैगु
 ह्लाःया दलपाँत् च्वनाः म्वाये यइमखु । सुनानं
 धाःधाःथें प्याखं हुइ मन दइमखु । मनूतय्गु बिचाः
 स्वतन्त्र जुइ । वैत थः यत्थे म्वाये मन दइ - थः यत्थे
 प्याखं हुइ मनदइ उकि वं न्ह्याबलें थःत स्वतन्त्र तायेकेगु
 स्वइ । बाबुचा जुयाः म्वाना च्वनेगु जीवन खनाः
 घच्चाइ । जीवन धैगु हे प्रगति खः । प्रगति हे
 मानवताया उद्देश्य खः । प्रगति धायेवं हें खिचीलोत

धाक्व खित्खिनाः न्ह्यदुयायेगु जुइ । सुयां बाबुचा
जुयाः इमिसं थःगु घितांमनिया तालय् प्याखं हुइगु-
यात प्रगति धाये फइमख् । स्वैगुं मिखाया भाषाय्
म्वायेगु जीवन हे - जीवनया परिभाषा मखु । थःगु
हि त्वनीह्मा पतित स्यानाः याउँक द्यनेगु हे जीवनया
परिभाषा खः । थःत यःकथं, यःबलय् यथे प्याखं
हुइगु स्वतन्त्रताया चि खः । उकिं बाध्यतां प्याखं
हुइकेगु स्वैपि लै दथुइ धस्वानाच्चंगु कं खः । व
कथं मनुष्यके तुगलय् चंगु साहसयात चिचिमचि त्यानाः
स्यायेगु स्वइ; तुगलय् मन्हाक ग्याःपहः क्वचिना बीगु
स्वइ गुकि यानाः न्ह्यःछुयायेमाःह्मा मनुयात इतःमितः
कंका तइ अले लिखतं सालाः थः न्ह्यःछुयायेगु स्वइ ।
थथे थः जक न्ह्यःछुयायेगु स्वइपिन्त शोषक धकाः
धाइ गुमिगु ज्या न्ह्याबले थःगु व्यक्तिगत स्वार्थया
पूर्ति यायेगु जक जुइ अले मेगु छलःयात शोषित-
पिडीत जनता धकाः धाइ गुपि थःगु निमित्त मखु
वरु ककिया निमित्त बाध्यतां म्वानां च्वनी ।

शोषक अले शोषित गुबले मिले जुइ फइमखु ।
इपि लः व मि थें पाइ । उकिं इमिगु दथुइ थःथःगु
स्वार्थ तसकं पाना च्वनी; विचाः मिले जुइमखु;
छलःयात यःगु खँ मेगु खलःयात मिखाया कुं चाहे
स्वयें थइमखु गुकि यानाः इमिगु दथुइ सैद्धान्तिक
मतभेदं हा काइ । छलःलकं मेगु खलःयात लिक्कः
भाःपाः शत्रु भाःपीगु जुसेलि हिवाः कनीगु स्वाभाविक-
गु खँ खः । मनुष्य पशुत सी थें पुक्क पुक्क सी ।
उगु व्यवस्थायात घय्सुनातःह्मा शोषकं शोषिततय्त
क्वत्यलेया लागि राष्ट्रिय धनयात छली गुगु धन
शोषिततय्त हि-चःति हे मुंकातःगु खः । लखं लख
वंगु शस्त्र - अस्त्र कयनाः जनताया तुगलय् वइच्चंगु
लबुयात पनेगु स्वइ तर जन - शक्तिया न्ह्याःने थ्व
पुक्क वा व लसि महुइ धावा “फुसा ख्याये -
मफुसा थःहे ग्याये” धइगु ख्याच्चे हे जक खः ।

धात्थे विचाः यानाः स्वःसा थःथःया दथुइ ल्वा-
येगु निपां चूर्पित त्वःगु ज्या मखु । व्यक्तिगत स्वार्थया
लागि लखं लख मनुष्यत त्वापुइ ह्मपवायेगु ति
क्वह्यंगु पाप मेगु छुं दइमखु । हिचःति धइगु खुसी
बाः वइगु लः थें दकी मखु । स्यंके गुलि अःपु
दयेके उलि हे थाकु । लडाँई जुसेलि स्यंकी सी थें
अल्याख मनुष्य सी, अल्याख धनसम्पत्तिया नाश जुइ तर
थपय्धंगु विभत्सगु ज्या दलं द्वः बलचिया दथुइ
भराय्छांगु छखा छेँ दनेया लागि यायेगु थः जक
तये थः जक नये धाइह्मा कतिलाः पाकःया कतिलाः
दाउ खः । मानवमात्रया गौरवपूर्ण इतिहासया
खालय् हाकलं किकेगु खः । स्वार्थया छपे ज्योनां-
बेलिया लागि लखं लख मनुष्यत लडाँईल्य् म्वाःम्वाकं
ह्मपवायेगु थःत थम्हं पशु स्वयाः नं क्वह्यकेगु
नामदंया ज्या खः । तर जनबल हे लडाँईया त्याः-
बू खः । संसारया गुगुनं लडाँईल्य् जनबल बूगु
महुनि - दइ नं मखु । थ्वया दसि माःसा किसि
क्वबुइ मफयेक दु । जारयात बुकूगु रुसया अक्टोवर-
क्रान्ति; प्यसः दँ तक सामन्ति कइच्चंगु हागःयात
लिनाः वांछवगु भियतनामया लडाँई; वृत्तिशतय्त
ख्यानां छवःगु भारतया स्वतन्त्रता संग्राम; १०४ दँ
तक नेपाःया जनतातय्त यायेजिवं शोषण यानाच्चंहा
राणा सरकारया अन्तयाःगु ००७ सालयां जन - आन्दो-
लनं आदि । थ्व पुक्कं जनबल गुलित बल्लाः धकाः
कयनीगु १९ सौं शदीया ह्याय्कं खः । तर अयूनं
जनतायात हिवाः कनाःवइगु स्वतन्त्रता मयः । हिंसा
व लडाँई खनाः घच्चाः । शान्ति हे थःगु समस्या
गथि स्वयंके माः धइगु चिउताः दु । तर थुकिया
अर्थ थ्व मखु कि इलं काःम्ह जनता कमजोर इपि

शत्रुया शक्ति खनाः ग्याः, उकिं शान्ति यः । ववपुंहा मनुया ववपुं गु विचाः जक थये जुइ नत्रसा जनबलया न्ह्यःने गुगुं नं शक्ति फुइयाये धकाः वाहे चुने म्वाः इतिहास साछि दु । जनबल व नैया पखाः खः गुकियात छुं नं शक्ति थुने फइमखु । व युगया खुसिबाः खः, गुकियात सुनां पनां पने फइमखु । यदि सुनां पनेत स्वत धाःसा वैतहे चुइका यंकेगु वैके थःगु हे शक्ति दु । अयनं किसिया ह्यापनय पति हाले थें जनतायात सुनां त्वायेगुली वाध्य यात धाःसा व गुबलें लिचिली मखु । लडाईया हागः लिना छवयेत लडाईया हे वः काये माः धइगु इमिगु सिद्धान्त नं दु ।

हिंसा व लडाई थन उजाःपेन्त जक यःइ, गुपि स्वार्थया अय्लाखं कायेकाः पुलाउलय् च्वंगु वरांया माकुं सवाः कया च्वनी अले दलं द्रः जनतातय्त सल- किसि यानाः थःगु खवःचा न्ह्याका च्वनी तर ववःत्याः लिसें दना वइगु प्रगतिया इतिहास खः । गुगु इतिहास न्ह्याबलेंया लागिं जनतायात हःपाः बियाच्वनी - “नसंफाःगु इलं प्वनाः प्वनाः सुनां अधिकार लः ह्याये हइमखु । लडाईनं हे तिनि स्वतन्त्रता दइ । हिंसा व लडाई मयः धकाः न्याय् व सत्यया लागिं त्वाये मफुसा अन्याय् व अत्याचारया राज्य जुइ । स्वार्थया अय्लाखं कायेकाः निर्दोष जनताया लाकू हिक्कू त्यानाः पैशाचिक ज्या याना च्वंगु पुलु पुलु स्वयाः बुद्धया उपासना यानाच्वसा इलं घाः जुइक ख्वातु ख्वाइ ।” उकिं इलं काःह्य असन्तोषी जनता त्वाना च्वन -

धर्तितकं हिंसाः कंकाः अयनं थ्व हिंसा मखु; विभत्स मखु । ई गतिशील खः । व खुसिवाः न्ह्याःथें न्ह्याबलें न्ह्याना च्वनी । वैत सुनां पनां पने फइमखु । यदि सुनां पनेत स्वत धाःसा वपंगलः जुइ । पंगलः चीकेगु हिंसा मफु । अये हे सामाजिक ह्युपाःया लागि; जनताया हिचःतिया मूया लागि राष्ट्रिय स्वाधीनता व राष्ट्रिय विकाशया लागि अले शान्ति व सदभावनाया लागि छुं पंगलः जुयाः दनाव्यूसा वइत चीकाः थः न्ह्याःज्यायेगु प्रगतिशील जनताया कर्तव्य खः । व कर्तव्ययात हिंसा धाये फइमखु । हिंसाः कनेवं हे हिंसा जुइ मखु - विभत्स धाइ मखु । “वं ला ह्याय् यात ?” धइगु न्ह्यसलं सीदयेका बी । गुम्हेस्यां थःगु स्वार्थया लागि थः सुलुप्या जुयाः दलं द्रः जनताया हि त्वनाः हिंसाः कंकी वइत हिंसा धाइ - विभत्स धाइ तर थःगु स्वतन्त्रताया लागि थःगु हि त्वनीह्य सुलुप्यायात स्यानां वइत हिंसा धाये फइमखु । मनू नइह्य राक्षसयात स्यानां वइत विभत्स धकाः थुकलं बी दइमखु । थ्व पाप मखु; अन्याय् मखु; अत्याचार मखु । अन्याय्, अत्याचारया हागः लीगुया लागि त्वाइगु त्वापु गुबलें घच्याइपुसे च्वनी मखु । वरु कलह्य ह्वाइगु नस्वाःगु स्वांया पुसा खः । सत्य व न्यायया पलिनाः त्वापु गुबलें बुइ मखु । यदि वुत धाःसा व मानवया विजय मखु दानवया विजय खः, अले मानवया अन्त खः तर थये गुबलें जुइ फइमखु । थन सत्य व न्यायया पलिनाः त्वाइम्ह जनता अवश्य त्याइ । थ्व सत्यया खं खः । ॐ

“नेपाल” ऋतु पौ या ग्राहक जुया दिसं

‘निसोसे’ गथे याना: छुइगु ?

सूर्यकुमारी पन्त

गयो डोटी खायो रोटो

आउँदाखेरि धोती न टोपी

— थव उखान शायद यक्वस्यां न्यंगु दये मा: । धात्थे कीगु देया पश्चिमपाखे (खास याना: डोटी जिल्लापाखे) यक्वस्या नज्वलं हे मरि ख: । छछा: जा अले छछा: मरि ला सकस्यां हे न: तर निम्न स्तरया मन्तसें निछाकं मरि नया: म्वाये मा: । वछ, दुसि, फाफर, कःनि लिम्सें जाकिचुंया तःताजिया मरि छुना नयेगु चलन दु ।

गथे :- जाकिमरि, रोट, निसोसे, बाबर (साख: वा चिनी तयामत.गु सेल), सेल व मेमेगु ।

चव्य नां कनागु मरि मध्यय् ‘निसोसे’ नांगु छता मरिया विषयय् कने । ‘निसोसे’ मरि म्हाय्मचा थःछे भा:तपियाय् वनीवल्य् वस्यालिया रुपय् बिया वछ्येत अले संक्रान्ति, मसान्त आदी पर्वय् थ: यस्सें नं छुना: न: । थव ‘निसोसे’ जाकिचुनं छुइगु छताजिया मरि ख: । थव मरि छुइगु काइदा अले मरि छुइत मा:गु ज्वलं थथे ख: :-

मा:गु ज्वलं :

- १) जाकिचुं छमना
- २) धौ छमना
- ३) घ्य: टेबल चम्चां प्यंगु चम्चा
- ४) चिनी टेबल चम्चां न्यागु चम्चा

५) बेकिङ्ग पाउदर च्या चम्चां १/४ चम्चा

मरि छुइगु काइदा :

- १) जाकिचुं, चिनी, घ्य: अले बेकिङ्ग पाउदर छयाय्हे ल्वाकछयाना: संकेगु ।
- २) अले उकी धौ तया: ताउतक संकेगु । जाकिचुं सेल छुइवल्य् ति तागुके मा: ।
- ३) द्वालय् लप्ते वा केरालप्ते लाना: ह्वायेधुंकूगु जाकिचुं फुक्कं च्चंकेगु अले घ:ने नं लप्ते बांलाक त्वपुइगु ।
- ४) अले बुलुहं मि च्याका: द्वा: देखुइगु । जाकिचुं भतिचा खवेवं द्वा: घ:ने बुलुमि तया: छुं ई तक्क छुइगु ।
- ५) मरि बुतकि मि स्याना: भुतू घ:ने तयातयेगु अले लप्ते लिक्का: केक थें कुचा कुचा याना: तयेगु । थव मरि तःन्हुतक्क तयात:सां स्यनीमखु । जहान स्वया: तग्व:गु थलय् ह्वाय्मना, च्यामना जाकिचुंया छपाहे मरि नं छुइ ज्यू तर चिपागु मरि छुइवल्य् अ:पुइगु जक मखु याकनं नं बुइ । थव ‘निसोसे’ मरि केक थें याउँसे च्वना: नाइसे नं च्वने मा: । छक: छुना: भपियादिसं ।

एन. सी. सी. एन.

श्री ५ महाराजाधिराज सरकारया
शुभ - बुन्हिया पुनीत उपलक्ष्यय्
वसपोल सरकारस भक्तिपूर्वक

हार्दिक भित्तुना

नेपाल कन्स्ट्रक्सन कम्पनी नेपाल लि.

त्रिपुरेश्वर, येँ ।

फोन नं. ११-९७६, १५-११९

पो. बक्स नं. ३७

की या धापू

की - प्रधान सिरपा

थवहे वंगु ने. सं. १०९७ न्हू दँया लस-
ताय् नांजाःह्य कवयित्री मय्जु मन्दिरा
प्रधानजुं 'की' लय्पौया च्वमितय् निति 'की-
प्रधान सिरपा'या घोषणा याना दीगु खः ।



की-प्रधान सिरपाया दाता

मय्जु मन्दिरा प्रधान

'की' लय्पौस दछिया दुने पिदंगु दकलय्
बांलाःगु रचनाया च्वमियात उगु सिरपा
बोगु ईच्छा मय्जु प्रधानं याना दीगु दु ।
उगु सिरपाया निति न्ह्याबलें दँय् निसः

तका दां बिया दीगु बचं वय्कलं 'की'
लय्पौयात लःल्हाना दीगु पत्रय् बिया दीगु
दु । थुकिया निति माक्व दां वय्कलं बैक्य्
जम्मा नं याना बिया दी धुंकुगु दु । उकिं
थुगु ल्याखं निसें हे 'की', लय्पौस पिदंगु
फुक्कं रचना थ्व 'की- प्रधान सिरपा'
प्रतियोगिताय् दुथ्याःगु जुल । सिरपाया
विस्तृत विवरण, नियम आदि 'की' या
मेगु ल्याखय् पिदनी ।

मय्जु मन्दिरा प्रधानजुं नेपाल भाषा
साहित्यया विकास मनंतुनाः उगु सिरपा
तया बिया दीगु खः । थुगु सिरपां नेपाल
भाषाया च्वमिपिन्त, विशेष यानाः नेपाल
भाषाया न्हू च्वमिपिन्त ग्यसुलाःगु रचना
चवयेगुली हःपा दइगु आशा यायेफु । नेपाल
भाषाया च्वमिपिन्त सरकार वा अर्धसर-
कारी संस्थापाखें दयेमाःगु प्रोत्साहन मदया
चवंगु इलय् थुगु 'की- प्रधान सिरपाया'
स्थापना तसकं महत्वपूर्ण जू । थुकिं नेपाल
राष्ट्रया हितया निति नेपाल भाषा साहित्य-
यात नं व्वलंकेगु ज्याय् धिसिलाःगु तिवः
जू वनीगु विश्वास यायेफु । उकिं थ्व की-
प्रधान सिरपाया दाता मय्जु मन्दिरा प्रधान-
जुयात दुनुगलंनिसें धन्यवाद देछाया । नापं
थुगु सिरपा दां कथं अप्वः मखुसां नेपाल
भाषा व साहित्य सेवाया कदर कथं तसकं
महत्वपूर्ण भाःपाः सकसिनं थ्व सिरपायात
स्वीकार यानाः मर्यादा तइगु मनंतुना ।

एन. सी. सी, एन.

श्री ९ युवराजाधिराज सरकारया

शुभ बुन्हिया लसताय्

वसपोल सरकारया सुस्वास्थ्य व दिर्घायुया


हादिक भितुना

नेशनल कन्स्ट्रक्शन कम्पनी नेपाल लि.

त्रिपुरेश्वर, काठमाडौं

फोन नं. ११८७६, ११९७६

पो. बा. नं. ३७



HOECHST PHARMACEUTICALS LIMITED

AHMEDABAD • BOMBAY • CALCUTTA • DELHI • MADRAS • KATHMANDU

